

宣本集序



宣本集宣本集公所  
著其序卷东苑一马许  
纸庶元紫平与刻之  
有宣持以授予曰此瓌  
然之珠荆山之玉也吾子



可無言乎予乃持誦如  
日不覺嘆曰嘗應觀文  
國泛覽辭林上自漢魏  
下逮唐宋所遇極超三  
昧悟入上乘金石生輝鬼  
神爭奧其在茲乎客曰

誨哉是言但末以學生  
晚不知公之應履亦子喜  
詳言之予曰公才兼文武  
操擬冰霜且應任以奉陪  
聖而在政教覃敷民物熙  
皞仁明之化始終如一也政

物是搜羅舊此可以新  
製歌詠太平之中復寧  
安不忘危之戒非縱以在  
是故系時哉真緣物應  
酬發於性情心乎禮象  
尤有不能自己者嗚呼

聖言醇在吾心正吾辭  
寡在吾人吉正則泚慙  
彼辨吉則福履孔殷若  
聖之學也及觀公之明白  
正火不中纖巧縱橫出入  
皆根基理道可與詩并

傳無疑嗣是秉鈞陳  
亦  
交知

重主則教化風俗之丕變  
休徵嘉瑞之畢至九表八  
蠻之賓貢風雨霜雪之  
沾被予億公巨觀實

悟掩秘抽玄復有矢雅以鳴  
國家之先豈但形集而  
已矣曰公之雄深宏博陶  
寫性情擗藻振秀香擅  
名家吾子族之殆盡宜  
列法管端予曰公與予同

至慶陽以成餘種相厚善

叔不辭而為之序

嘉靖丁巳冬反冬部名

侍郎石州南川張璠書

於雙柏亭



寒村集目錄

卷第一

賦

五言絕句

七言古詩

五言古詩

五言律詩



卷第二

七言絕句

七言律詩

詩餘

卷第三

序

記

卷第四

墓誌銘

說

駁

解

跋畫跋別集

拾遺

寒村集目錄終

寒村集卷第一

陳立炎

固安寒村蘇志臯德明存藁

賦

紀行賦為諸生時作

歲在辛卯月旅林鍾已丑統日甲寅御辰將校藝於太  
陽故各寔受命於文宗維時東井在未積雨霖霖跨馬  
沒韞驅車沒輪乃遂買舟南下挂承風之帆張翳日之  
蓬涼颭滌暑陽鳥在雲拂岸柳之煩拏兮泛澄波之鄰  
鄰數邨墟之錯落兮瞰招提之摩空人由意合志以類  
同歌聲相應埴篲相從據舊懷之蓄念發思古之幽情  
心神俱豁厥樂焉窮祇知有舟楫之便而不知有風濤

國立中央圖書館

之驚及其長橋橫臥撤桅毀蓬放舟如飛載浮載沉幾  
乎險矣然猶未也乃若赴隘峽之口兮轉回流於順風  
衝倒樹於急湍兮拂突兀之高岑幾乎險矣然猶未也  
乃若雲始合也暝兮若松栢斲兮若揚袂忽兮若鐵騎  
之狂奔濃兮若金壺之潑墨雷鬱律於巖突兮或轟天  
而震地電倏忽於牆藩兮或物表而雲際始焉霖霖之  
灑潤兮終倒江河而傾注臨坻赴壑灑灑實隊幾乎險  
矣然猶未也乃若風飄忽而溯滂兮勢迴穴而錯迕梢  
殺林莽兮或拔禾而偃木舟子褫魄而叫號兮吾儔怖  
心而駭目噫嘻殆哉及其殘霞返照雨霽風微則見夫  
魚之適也弛青鯤於網鉅解頰鯉於黏微華魴躍鱗素

鱗揚鱗鳥之適也理翮整翰容與自恣彫啄蔓藻刷盪  
漣漪吾儔復游目騁懷戟手解頤若忘乎所謂險者乃  
若白日戢曜朗月啓暉風恬浪平茫然無埃望前邗之  
冥漠兮歷島嶼之縱橫途往路之紛糾兮披蘆葦之蒙  
茸值孤雲之變態兮掩素娥於後庭歎良夜之沉沉兮  
禱河伯之巨靈聞鍾鼓之軒訇兮喧欵乃之歌聲聽雞  
犬之鳴嘯兮見漁火之孤熒皆喜相慶遂褰裳登岸艤  
舟繫繩呼朋覓友泥淖沒脛排闥市酒然火燒鐙野人  
雜坐田父接袵忽又凌驚雷之硠礚兮眩狂電之齋淫  
懼四壁之就頽兮或宇傾而岸崩傷客夢之寂寥兮顧  
家園而涕零激壯懷之磊落兮遂擊涕而笑生頃復鳴



雞戒旦飄爾晨征彼水之瀾漫也渾渤沕滔川流海停  
 彼水之洶湧也滂滂沆漑橫流逆行光接天而聲聒耳  
 兮失稼穡之芘芘浪排空而勢吞天兮浮樓閣之亭亭  
 老穉悲號漂泊雞豚橫屍積骸顛厦欹門晨炊乏煙夜  
 戶何扁觀跡酸鼻痛骨刺心耳嘈嘈以失聽目矐矐以  
 喪精彼曳霧縠之輕裾振朱屨於盤樽庭實千品旨酒  
 萬鍾竟何人也此實何人既又逶迤而南也燭龍噴火  
 如熾如蒸則見夫清淵北注濁河交橫順阿而下激冽  
 轉騰懸流暴怒萬馬齊奔棹楫無力引纜乏能進咫尺退  
 尺進尺退尋常是時也吾儔面無人色衣無正襟可謂  
 極其險矣移時得達悲喜交并詳觀夫風帆順流何其

樂也雷雨晦冥何其恐也蕩析離居何其悲也驚濤跳  
 浪何其懼也饑渴頓踣何其窘也乃若憇瞿曇之上刹  
 兮步明月於虛庭談征戰之陳迹兮聆報夜之昏鍾理  
 曉裝以遐征兮問白叟以前程指雉堞以至止兮瞻樹  
 杪之重闌方舍舟而陸暴日徒行涉橫汗達通衢轉巷  
 叩入里閭僦逆旅之半榻餐療饑之鹽齏及其祗服歎  
 訓星言趣歸舳艫入瀾瀾水舍險就夷凌細浪循長隄  
 拾蛤蚌之遺殼羨魚蝦之跳擲越宿戒途載乘駟驥踐  
 泥塗過溝渠蓬首跣足以馳以徐窮日之力始達郊居  
 慈親哽咽妻子歔歔嗚呼殷說夢發於傳巖周望兆動  
 於水隈漢亮奮跡於隴畝齊寧激聲於康衢皆本於筐

玄篚纁蒲輪安車予何人也竊嘗慕之今實未能少窺  
其藩屏也爰輯舊辭用紀厥行事僅撫拾其畧而意尚  
有浮於文

贈李侯禦寇有功

侯河南安陽人名珙以鄉薦宰吾縣仁厚有惠政故  
爲賦此

有美人兮鍾河洛之精英懷瑾佩瓊兮何性質之夙成  
翩翩其唐棣兮生滎河而呈華實馥郁其天葩兮屬桂  
籍而入秋冥紹靈華之英世兮欲摘龍髭于瀛海御剛  
風以翱翔兮望天府以遐征適天桃之蓓蕾兮遂輶軻  
于南省攜銅章而宰三輔兮洽徽化于士氓氓即解衆

務之糾紛兮瘳凋瘵于岑寂薙薶某之蒙翳兮培蘭蕙  
以敷榮章雷電而折犴獄兮息鈞金之幻妄植廉節而  
可冰蕙兮尋瘡馬之孤盟約進止以詣練要兮禔其身  
寒泉以汲井甃兮燦璇穹之郎星維戊子之  
鯨伏登陣以保障兮宣皇威以丕振礪渠魁于藁砧  
兮掃靈壇以晴明播英聲于直指兮奏殊功于楓陛煥  
龍章于魏闕兮刷九萬之脩翎將邁羽鷁鷺兮儼駟  
騏于遠陌虞美人之騫舉兮凜劒氣之稜稜亂曰燕山  
兮萃律易水兮漣漪山靜定兮無極水流衍兮無私昭  
大美兮于兩儀尸玄功兮于八維固后皇之蔭庇也

而寔輻輳于百司

五言古詩

新月

層漢絕纖埃新月生坤隅素娥拋玉鈎清光照寰區挂  
林駭棲鳥漾波驚游魚建魄自常明行天與日俱盈虧  
本遐邇兩離分殊行涉遠益新形碧落驅飈車乘凌倒  
寒景俯首瞰大虛陽烏耀銀丸千古元無殊

奉送張司訓先生陞廣平學諭

先生山西蒲州人名聲別號青臺以鄉薦任吾學司  
訓越三年始得稍還馬平

冉冉歲三春三雪明朝曠送送河由易水流寒漸徘徊

徊不忍別何以將吾私苦憶青氈寒懿訓發新知以充  
一以迅幾度春遲遲恩義兩不薄未矢常追隨忽捧  
平檄行色殊慘悽驅車在中野風力飄塵綫嗟茲千里  
行前路多逶迤攬轡酌卮酒蹠陳肝膈辭仕途如蜀道  
今古同奔馳涉彼萬仞岡峯巒轉傾欹師儒甘糞鹽作  
人功已奇遊羽比鷓鴣濟濟登明時人生遂斯志富貴  
當何爲願言履清吉慰此長相思

明妃歎

漢宮久索莫出嫁單于王風霜改容髻恨與流水長氈  
裘不可衣裁酪不可嘗騎馬從遊獵馳驅千仞岡落淚  
灑紅雨點點濕明妝身雖滯朔漠心逐南鴈翔已爲玉

頽累琵琶空斷腸

冬日北上

落日慘寒林隙光  
澹澹蒼蒼北燕市  
杯柴門迥相向倚  
馬看西山空翠三千丈  
去去京華塵徧染青袍上

贈宮保唐漁石翁龍得告歸省

官北部時作

彼美漁石翁讀書九年下  
澗溪隔塵囂瑣瑤須善價筆  
陳風雨過詞源河漢瀉被薦謁  
明庭時髦總流亞出  
爲郟城宰澹然溥玄化羣盜薄郊坰  
士女盡驚詫翁乃揮長戈壯氣吞  
鯨鯢登陴厲衆心卒以孤城支入爲古  
柱史獻納節風儀維時值逆藩吳徼無  
寧居遐邇妖氛結白日曦翁乃持繡斧  
慨然撫瘡痍抗論餘百疏

高寒鳴鳳姿繼遷柄文衡聲教播全  
陝累遷掌樞要黜陟循懿典維時虜勢  
驕關塞罹兵燹鷗攫復鴟張羽翮誰能  
剪翁乃擁節旄頓令醜類殄奏凱許班  
師錫恩答繾綣轉尚西曹書進秩日崇  
顯繩度允蹈迪進退非翺翔堅此冰檠  
操合彼雷電章平反緩大獄徒爾百鍊  
鋼苦憶慈母頰飄泊魂獨傷去意儼逝  
波存土安可防乞歸語淒惻宸翰特褒  
揚炎景送涼燠啼鵲促行李長劔倚素  
琴共照清渠水懸知拜膝下列鼎供脩  
髓舞勝班襴衣躡蹻曳金紫彼美漁石  
翁卓哉鮮與比爲臣稱忠臣爲子稱孝  
子忠孝兩不薄行當耀青史彼美漁石  
翁勛業難覩縷峻階固矯迹危機亦恒  
履況逢聖

明世得遂臣子情載瞻桑榆景重訂溪山盟豈無詩酒  
娛陶然了餘生 聖眷殊未衰驛路勞將迎膏澤徧寰  
區雅望歸老成始終保一節輿論推完名

塞上曲送同年劉榆泉九容陞遼陽兵備僉憲

遼海通蕃漢玄菟近兀良重關懸絕塞虜勢及秋狂  
帝命推豪傑欲搗鯨鯢穴旄頭夜失光伐鼓歌勳烈君  
稱文武才綏輯早嬰懷要令蕃與漢安妥白沙堆

雪夜襲虜

旬宣上  
谷時作

朔風利如刀朔雪密如織四山號虎兕萬卒無生色  
令等風雷直擣龍沙北半夜縛呼韓天明傳薜食

古鏡篇

拈循遼  
海時作

吾家一古鏡照面已多年昔照雙紅頰今照成華顛清  
光了如昨吾老實堪憐勛業尚未建撫劔獨惘然今既  
不如昔後當不如前自咎嗟何及悔不學飛僊

五言絕句

草蟲圖

為諸生  
作

江草雜江花離離滿江側蛺蝶忽飛來點破羣芳色

病起

病起不勝寒日高猶自怯却喜耐寒兒遶院逐黃葉

隱君子

赴瀏陽任  
並縣中作

素琴本無絃白雲復何心欲訪巴陵道茫茫湘水深

再過樂師寺

寒雲依古樹東雨灑頽垣寂寞維摩地哀號憫病猿

嶽麓

嶽麓俯晴江江頭浣紗女日暮佩蘭歸相見不相語

西村圖

滇南有美人結廬西山側時過小橋來閑軒入秋色

江花

調進賢並入  
被徵時途中作 觀

江雨灑江花江花翻獨愁惟愁江水漲沒却近江洲

江鳥

江邊有危石江鳥鳴其上忽被野風吹碎聲雜巨浪

漁歌

曬網小溪頭荻蘆瑟瑟秋一聲長嘯發驚起隔溪鷗

孤鴈

寒空一鴈度孤影落橫塘莫妬塘邊鳥鴛鴦本自雙

登泰山

戀睡夏日短窮探岱嶽低為憐芳草色閑過小橋西

閒情

皎月已高寒美人還倚闌踈鐘敲月落脉脉轉情難

鄭州

古寺關河近荒城水國分長風起天際吹亂石梁雲

三陽倉有感

半夜風兼雨平明湖水深催科向凋瘵多是打魚人

雙壽圖

予被徵北上僉憲周葑厓相出一手卷令予作雙壽  
圖以祝其父母予即席措意下作三圖以象乾上畫  
一椿樹其旁作六坡以象坤上畫一菱草復作詩一  
首

乾岡長椿樹坤軸生菱草願言雙白頭乾坤與同老

送同年張樂山壽宰堂邑

官比部時作

送爾宰東郡春容柳半含將春付凋瘵經濟問玄菴

穆翰林孔暉縣人

無題

花底笙歌夜羅衣淺試春月明如白晝偏照可憐人

莫秋西山見牡丹

石磴穿雲上靈源遶竹斜不妨秋已莫重見牡丹花

同僚張一山維岳須予詩畫乃爲作此

島嶼生寒籟孤舟客正愁一聲漁父笛吹破洞庭秋

九日無花無酒

九日無風雨蕭然客思孤發茶危坐又聞看菊花圖

說夢

自憐頻說夢終日對痴人不知塵世上元是夢中身

歲莫再經龍窩驛

兵備額州時作

風送長河急孤帆與日斜客魂何處斷隔岸見梅花

晚獵

古木集昏鴉長風偃秋草山中射虎歸讀書到天曉

野村集 一 卷 九  
盱眙山館

山館雨初歇村園菜正肥摘花引寒蝶冉冉過籬飛

春風

旬宣上  
谷時作

溪淺灘流急山寒花放遲春風不相惜吹鬢半成絲

寓隆慶分司

亂水抱重關羣山擁翠鬢這城無案牘心與白雲閒

分水溝

十年裘馬敝羸得鬢毛蒼笑問東流水還因底事忙

出塞

出塞天已晚前驅薄虜營急傳催後隊夜過廣靈城

獨石題壁

投筆成何事蒼髯漸爾多 國恩猶未報長嘯枕金戈

瓦雲驛

歷任陝  
西時作

高槐張翠幃盡日布重陰忽謾風來撼鄉愁那得禁

秋霽

書于寧州  
望寧鋪

風引輕雲散晴山倚暮天家家田父出相聚說豐年

浴湯泉

萬里經行客河山紀勝遊寒裳聊盥濯洗盡古今愁

紀異

嘉靖丙午秋八月廿六日予旬宣上谷道飛狐嶺值  
風雪謾作是詩明年春稍遷赴潼關以昔督餉不力  
奪三秩謫守河州聞河有雪山客況岑寂追憶前作



殆為今日之讖云

丁未秋書於鳳  
翔之西鄉亭中

馳鳴沙磧冷鴈叫雪山孤不識前村路回頭問僕夫  
已酉春予以諸當道薦復經畧涇邠戎務再過是亭  
因念官秩崇卑人言詆羨此自相值奇偶何與吾事  
微吟舊作而去

自畫古桂雙喜圖為同年孔文谷天胤題

古桂花重發雲蒸蔓女蘿靈禽相對語佳氣晚來多

自畫鳴鳩圖

河湟遭大旱烈火生枯樹願借錦鳩聲喚取及時雨

題吳郡唐寅摹倪雲林畫

以後凡歸田  
時作皆續刻

雲林名瓚字元鎮元無錫人畫林木平遠殊無市朝

塵埃氣伯虎摹此圖逼真世稱絕藝云

天濶秋容澹風號古木鳴幽人時一至山水有餘清

五言律詩

戊子下第詣西園

為諸生  
時作

晚起西園興韶華歎不逢寒蕪棲暝色衰草慘秋容  
落遊絲滿池塘墮葉封留連明月上露下看芙蓉

壽大叅吳劔泉仲母七袞時劔泉尚乏嗣

任瀏陽  
時作

佳氣盤津里

武進  
地名

瑤池獻玉尊蒹蘭三壽慶環珮兩

朝恩羽葆

封君夢班衣使相存蟠桃花再發應見白

頭孫

雨過蕉溪嶺和同年王湛塘獻芝韻二首

春雲飛不起送雨滌煩襟路迥諸峯合天低萬木侵草  
光然暝色水氣結重陰俯瞰藤蘿外孤村背遠岑  
穿林登峻嶺惆悵鬱春襟湖海心仍在莓苔路半侵石  
田經雨潤雲嶠近溪陰窮望中原入微茫數斷岑

桃源圖

為訪前溪路喜微日已斜入山逢隱士隔岸見桃花遶  
屋千竿竹連空萬縷霞同來相問訊胡代又誰家

挽止菴年伯兼別同年朱汝濱憲章

在進賢時作

淒風吹澹月一夕殞靈椿遺世空文藻承家有鳳麟  
湛恩雙闕近華表萬年新涕淚渾如雨何堪灑故人  
候友人不至

念爾滯行舟愁多易白頭百年真夢寐四海重交遊絕  
塞南翔鴈空江北望樓官情與客思同是不禁秋

偕同年廖東雪希顏入觀薄遊齊山

海日雲霞曙丹楓接翠微亂山盤石磴陰洞護苔衣不  
盡登臨興真成落莫歸雙鳥搏勁翮還向薊門飛

題治齋萬翁鏗冬景圖

招提臨巨壑歲晚憫僧歸松柏初含秀乾坤未息機出  
寒石欲立雲凍雪仍飛誰解三乘意相携入翠微

乙未春述職罷再赴進賢留別及門諸同志

故國傷離別春園謾又花夢牽江館夜老母時在縣愁薄海  
門霞劍佩常為客荆吳久當家初任湖廣瀏陽一尊催

曉發去住各天涯

都閩方益齋恩見訪話及乃翁戰歿陸盤齋江西人

江上相逢日江花春正繁篝燈然莫雨尊酒駐高軒劍

氣冲霄漢詞鋒壓塞垣憐君年尚少能慰戰場魂

菱草圖為東鄉令雍龍岡作圖傍有小竹一叢故云

淑氣盤三峽牽春入北堂花開金鳳小葉引碧雲長擬

結千年實還稱萬壽觴渭川無限竹高節比星郎

謾興

嘉靖丙申春予以進賢令被徵入京時梁儉菴翁材為戶書謂予歷任吳楚催科不及額格不得與選臺諫因屏居城南南十里許每與老儒談笑為適

信步閒來往城南處士家引觴兼笑語問俗及桑麻

氣蒸雲濕山風送雨斜不妨松與栢恐到木蘭花

奉和舊明府李公韻

長洲李寓山公名松以辛巳進士嘉靖初來宰吾縣廉約寬厚惠及小民嘗吞蝗蝻鋤疆暴人甚懷畏予時為諸生考試為第二名且亟稱之每忘分過從草舍觴咏終日為作寒村詩一首嘉靖丙申以南道御史考績在京適予屏居城南公兩過其門席間作詩為倡予勉強和之

鳴騶喧巷陌念舊肯重來車馬因情駐門闌為客開

清朝初報政明主正掄材願獻經綸策殷勤慰

聖懷

荅李考功

予為比部員外中麓遣使者持軸折簡云與公同朝而不見一面大雅之什又不得快覩况乎千里之外哉幸勿見拒予即時書此李名開先章丘人

山雨鳴秋署僊壇許諦盟兩心如對面一劄已含情未  
作龍門客先傳海宇名十年清要地寒素尚書生

挽吾鄉賈直翁道翁以援例監生不願仕  
授山東平度州判官

憶昔春風面鬢眉尚儼然間吟高士傳醉舞落花筵遺  
世捐名爵希僊引莫年極知身是夢來往向人天

送同年兵部主政韓槐軒勗奉命閱山西沙場

晉鄙遭兵豕關河半寂寥虜酋無冒頓漢將乏嫖姚白  
骨侵沙冷黃雲出塞高是非憑信使及早報明朝

送同年謝右溪庭蒞以諫議謫滇南幕史

聖主重遐方淵衷簡俊良一疏纔忤旨萬里遂投荒  
勲業標銅柱蠻夷識省郎客星應不遠還近紫微傍

送同年白洛原悅以給賞不至謫判永平

省郎閒禮節腰帶已橫金暫謫盧龍地原非聖主心  
邊城饒海氣叢桂肅秋陰洛原諸子皆  
偉器故云才藻如君少還  
徵入禁林

同僚黃海野禎湏予題海野圖

海隅環大野員嶠正相連水險蛟龍護山平日月懸雲  
霞常五色松桂已千年擇勝今黃九誰同講太玄

夜泊黃河喜雨兵備額  
州時作

不雨經旬朔通宵雨不休雷聲從地起河勢拍天流取  
醉看龍劔追權上柁樓那知枯槁後猶慰老農秋

田家

郡吏征徭急田家生計踈躡雲採山繭帶雨摘園蔬籬  
燕頻窺戶炊煙細繞廬常遺妻子恨爭得見高車

夜泊楊子江憶同年胡東巖汝輩負外東巖四  
川人

聯鑣登紫陌同醉竹西樓隔歲成孤笑前程祇自羞漁  
鐙千點夜江月半輪秋萬里相思夢遙牽一水愁

盱眙縣

乍到盱眙縣盤空石磴斜山頭人赴市雲外午休衙塔  
近三千界城環十萬家清淮東入海浩渺隔煙霞

慰憲副王平厓袞哭子

梁園風雨夕春去果辭林夢結麒麟塚魂依翡翠衾死  
生元有命天地本無心莫枉千行淚前賢戒已深

赴上谷右叅議任道經曲陽縣軍城驛

僻路經行少關河欲盡頭虜情元叵測漢將自無謀趙  
女鬢髮落燕姬粉黛樓適因烽火急亦自解邊愁

書渾源州甕城驛壁

驕虜何時滅并力日夜彈不辭青嶂遠敢遂白雲安澗  
溜春猶凍山風午亦寒秋來看報捷談笑縛呼韓白雲  
堂名

山溪

山溪盤百里一日幾經過石激殷雷發池分古鏡磨空  
明窺地軸浩蕩足風波欲問興亡事其如不語何

中秋咏懷

予分守上谷五年初總督翁東厓公萬達待予特厚  
其薦舉之辭又極褒美後以讒每事挫抑之予議翁

身未集  
塞垣多循山據險一則我可以憑高眺遠二則虜難  
仰攻公則劾曰山頭無水近蘇叅議亦自言其前說  
之非蓋泉出山下取之甚易不知公何所見也又予  
累收客兵銀四十八萬兩積餘一千七百九兩平昔  
皆瓜分之予公移作正支用公則劾曰詢之各道皆  
無餘銀此非多收即減放也蓋帑銀皆部官押送  
豈容多收而商人皆面領豈容減放以太倉法則稍  
重故爾乃復劾之又不不知公何所見也三疏備載公  
奏議中於戲人生患不相知相知矣而復不相知然  
則讒之為害可畏哉予中秋作此詩公覽而不自得  
者久之

山行路不平流水復縱橫聞鴈饒鄉思悲秋減宦情干  
戈猶未息勛業了難成欲往丹丘去餐霞過一生

邊頭聞笛

羌笛連山起悲聲入漢疆創痍傷戰鬪勛業重侯王野  
草經霜白胡雲近塞黃愁看青鏡裏衰鬢似馮唐

赴鴈門副使任歷任陝西時作

朔雪吞平野喬林拂密雲隔年勞夢寐取道向河汾  
劍褫鯨鯢魄旗翻虎豹文自憐身漸老何以荅明君

曉發定羌驛

澹月穿林莽郊垆曙色微雞聲隔酒市人語出柴扉  
殘夢終難續貧家亦可歸悠悠憚行役甘與壯心違  
渭城送故人赴肅州

持節殊方去徘徊渭水前鴈聲寒帶雨樹色遠連天  
舊業餘丹竈孤踪寄酒泉與君俱白髮相對淚潸然  
宿醴泉不寐懷故鄉別墅

遠寺鳴鍾急敲殘隴月初醒多鄉夢少病久宦情疎第

宅妨巢燕以闕寂故 藤蘿礙結廬以荒蕪故 主人今白

髮猶滯前門車

初春登華山遠眺懷同年孔文公

雪晴登華嶽物候兩相宜試柳春雖淺烘桃日已遲  
香麝自戀雲暖鶴偏知欲訪文仙谷從傍看紫芝

留別憲副榮野亭愷野亭予兒子有生婦翁也

歲華如水去忽復莫春時花氣薰晴鳥藤梢長附枝  
前程誰可問後會那能期欲向君平卜君平謝不知

暮秋還慶陽晚至醴泉獨酌懷省中諸使君

落日長安道悲涼不可聞饑烏號古木歸鴈叫寒雲  
鄉思愁中切離憂醉後分壺觴聊自適誰與共論文

九日携正郎王龍門良貴登高感興附循遼海時作

出郭尋直境幽人許見招登高酬令節吊古問前朝  
近水山常潤臨風葉易彫忽然起歸興長嘯伴漁樵

莫春賞牡丹奉和方城翁韻歸田時作

吾鄉太僕卿揚方城翁維聰篤親戚之義常邀予賞  
花賦詩予何能步其後塵不過勉強屬和爾予兒子  
性生乃翁之姪孫女婿也

留春花尚在風欲墮危芳燕翅梢濃蔭蜂鬢帶異香  
追懼翻繾綣躑躅賞恣猖狂醉眼疑相似名姬試晚妝

聽雪和方城翁韻

夜雪風前急續紛正復斜灑牕蠶食葉入竹蟬行沙  
簌欵疑翻籜皚皚想落華三農雖有望寒却入貧家

寒雪紛紛下隨風拂檻斜亂飄如墮葉密灑似驚沙  
籟生清夜千林着白華敝裘如許大難蓋萬人家

睡起感懷

春愁常晏起曉日照窓櫺老去心猶壯年來夢不成  
故邗知人共棄誰謂已獨醒唯有知音者相看眼更青

莫秋小園邀兵憲羅野庭瑤夜飲和韻

荒園饒雨露天地此殊恩不挾東山妓能開北海尊  
夜深猶戀客心遠遂忘言借問頻來客踈慵尚奈煩  
危芳風欲墮况復着霜華老去憐王粲秋來憶孟嘉  
名如滄海浪跡等浮槎與客携壺處山顛共水涯

大水後窺園

園秋生計少秔稻未登場露白蓮房紫霜清菊蕊黃  
雞雞護食落籜筍過墻為報催科吏比鄰半已亡

送榮君以鄉薦任魯山令

君名世承行太僕卿愷家嗣素領家教者也

中原形勝地俗古自民淳阡陌連桑柘山川覩鳳麟  
但平百里政萬家春會見神明宰清朝待紫宸

春夜荒園邀兵憲孟豐麓重小飲豐麓渭南人予  
嘗旬宣其地

契闊憑尊酒殷勤問士林三秦勞入夢四海共知音  
縑瞻天近支離笑陸沉渴心如大旱蚤晚望甘霖  
高軒花外至媿我乏瓊卮論舊情偏切賡詩語益奇漏



聲風故送林影月教移欲借扶搖力高飛翅已垂

曹勣

予于撫臺耿忠菴隨卿巡院郝少泉木二公奉詔會薦于朝其過譽之辭曰才負經綸學淹書史剛方正大雖依阿以徇人峻潔廉隅甘澹海以明志謀猷益壯于嚮昔矍鑠不殊于少年惜予已垂翅于青雲不能副所望云

### 暮秋邀方城翁賞菊奉和原倡

小園秋已老叢菊著寒花暮足籬根雨朝涵海上霞護香蝶夢斷引興酒杯賒為謝陶彭澤風流屬大家籬落秋容澹臨風把菊花詩筒傳錦繡酒酸泛雲霞舊業何須買新筍不用賒柴門終日閉彷彿似陶家白帝司秋令東籬見菊花香傳黃蝶翅光映赤城霞興發歌仍和情忘酒更賒醅醕成獨笑信步到鄰家

金氣催黃菊離披尚有花餐英資莫景弄色鬪朝霞客

醉情猶戀樽空酒再賒却憐秋已盡寒蝶過人家

風霜彫衆卉獨見此幽花影送三竿日晴曛萬縷霞客

歡愁易散酒聲恐難賒欲抱瑤琴當呼童問酒家

搖落驚霜籬邊獨采花綠枝移隔日紫豔炫明霞嘉

客情偏洽方鄰酒可賒共憐秋色好都付野人家

秒秋逢令節甘菊兩三花黃葉迷荒徑青枝綴綵霞駐

頰容色好款客笑談賒自媿慵疎甚磨詩讓作家

秋菊凌霜發煌煌五色花松筠同晚徑桃李借殘霞英

落筐應滿泉通壽自賒南陽傳酈縣三十有餘家

陰威何太盛羨此紫莖花清影移幽砌繁香入落霞不

愁殘日莫勿厭晚杯賒共樂昇平世車書正一家  
賓主當秋莫殷勤賞菊花奇葩舒作錦杲日射成霞逸  
興應難盡飛觴酒可賒醉歸酣睡後清夢入僊家  
賞菊聊隨俗頭顱插一花紅紅元借酒豔紫欲蒸霞可  
恠韶光晚應憐老景賒興闌人散去扶醉入家家  
點綴東籬好黃花間白花九秋霜雨露三徑飽煙霞自  
笑人心別誰耽莫景賒暫移元亮宅今且當吾家  
百花彫謝後鞞擘見名花葉剪三秋水葩含五綵霞斜  
陽能自媚晚節許誰賒追逐關西後清高學士家  
節序催群卉秋來到蕙花風枝翻舞袖日朶斂飛霞未  
許金英落何妨玉露賒誰知遲莫景次第及貧家

小集東園晚亭亭菊放花當筵張麗錦近水照明霞  
底醅堪灑墻頭酒慢賒秋香期後夜消息報詩家  
隱逸推君子秋深始見花興懷依澗壑引夢入煙霞彭  
澤聲名遠潯陽道路賒不須勞去掉風景在吾家  
小院紅芳歇孤標探菊花延年堪入藥蠲疾可棲霞地  
僻人踪少囊空酒債賒追思重九日良醞出官家  
曉看秋苑菊老眼眩生花帶露疑含泣臨流擬泛霞酒  
狂猶未發詩債且湏賒興味誰相似南村處士家  
傲霜憐晚菊風節陋煙花木槿悲朝露芙蓉褪莫霞栽  
培情太劇觴詠興尤賒擬作秋香譜堆書欲滿家

七言古詩

日出篇

為諸生時作

日出東海東復東紅霞萬縷排晴空隔林漸見弄寒影  
光浮北陸初曛隴扶桑枝老數千丈滄涼已在扶桑上  
蓬萊山勢高拄天不放陽鳥轉相向海底巨靈伸臂來  
披雲捧日凌崔嵬金輪湧地如車轂燭龍啣火天門開  
朔吹捲霜寒墮指貂裘富兒凍欲死煌煌布暖九陌頭  
追逐羲鞭猶未已我行何幸分餘陽緼袍藍縷挹晨光  
負暄便欲獻天子只愁日莫途且長

東華帝君變相磨劍圖為吾鄉畢揮使琦題

醉歸纔罷瑤池宴鬢髮戟張目如電蓬萊山下礪霜鋒  
劍光遙射蒼波面怒氣橫衝紫府雲豈似餐霞服氣人

定憤妖氛逼寰宇不教白日飛輪困此僊閑世今知幾  
名姓不通雜鹿豕人傳壽與乾坤同鶴算龜齡有窮已  
那知氣盡與神游如今撚指三千秋屈伸幻化此天壤  
水雲萬古常悠悠空遺此劍埋塵又何當付與將軍手  
霍霍長揮靖虜塵豈致黃金印如斗

丁亥冬楊天誠信邀予賞菊時余德堅鋼王克顯

灼同席

十月十日霜風寒千花萬花皆爛珊獨此靈根鬪顏色  
低高錯落真奇觀密葉如幃剪秋水幽香到處羞蘭芷  
魏紫姚黃富貴春何似籬邊隱君子白如鏤玉雪泥乾  
紅如猩血纔流丹黃如百鍊溶金色藍如晚霽疊峯巒

或如美人伸玉腕或如公子拋金彈或如點綴簇香毬  
或如飄舉張羅繖陶潛三徑今荒蕪此形此色曾有無  
便欲揮毫驅造化予通畫意寫生為作秋香圖我來遲莫容  
光老共言不若當初好落英誰信制頽齡落英出離騷賞心  
安用來時早主人酒泛玻璃杯良弼逸少相追陪分付  
花神各將息明秋早為重陽開天誠兄弟俱為諸生

射鴈

壬辰秋赴瀏陽任并縣中作

秋風落日吹寒蘆湖湘歸鴈依平蕪武清健兒躍馬去  
引弓要射雙鳴鷁飛箭流光勢如取應弦正中翩翩羽  
鮮血淋漓衰草紅楚天聲斷誰為主健兒意氣呈馬前  
袞袞似欲人相憐丁寧放入遠灘去便奮羽翮冲雲天

### 壽東昌太守陳芹山儒母七袞

瑤池開燕當深冬甕頭酒泛珍珠紅騎鶴僊子來獻曲  
北堂掩映金芙蓉吾家亦在廣陽國從來稔知陳母德  
性崇勤儉行端嚴艷俗肥家真女則時鳴機杼夜燈殘  
藁砧飛越悲風寒能將舊業教諸子不教雙淚空闌干  
眼看國器依丹扆文章政事今能幾 天子馳封逮慈  
親冠裳照耀青鸞尾今稱東郡紫霞杯壽躋騰彩無氛  
埃試問何年又相慶蟠桃再熟花重開

慰之

江西李都閩時求挽其母且自言巡湖勞瘁兼以  
凄風吹海西玄鶴來慈幃白頭李母跨鶴去瑤池萬里

波瀾瀾鄉曲曾聞傳母德婉嫵柔嘉聞四國當年何祗  
能相夫教子殷勤仕江國空餘霞珮明珠冠遺訓森森  
虎帳寒蒙衝鬪艦亦不惡何如夜上燕然山

望夫山

山在瀏陽  
縣東十里

望夫山望夫山上望夫夫不還莫雲掩映山頭竹竹  
密雲深礙遙目縣知玉門西更西關月夜逐參旗低夫  
枕金戈罷酣戰夢中休覩如花面妾願夫心鐵石堅北  
平冒頓西于闐高堂有母能相愛但令妾在如夫在望  
夫望夫夫不知夫知妾意輕別離妾以忠孝望夫夫知  
時意則以別離為苦

而無思家  
之念矣

三憲郭雨山登庸詣長沙嶽麓書院以嶽麓

為題試予

春風吹雲雲亂飛瀟湘雨歇江草肥嶽麓遺蹤儼如昨  
嶽麓陰洞生苔衣千載斯文縣弱綫今古會心如會面  
不須更陟泰山巔坐見宮牆開楚甸有道今從冀北來  
凌虛直上赫曦臺俯瞰星沙渺相隔千門萬戶參差開  
憶昔南軒窮邃古紫陽又作斯文主連牀劇論泣山靈  
理窟冥搜盡覩縷嗟哉至道本無言哲人逝矣空顏垣  
盡將陳迹付流水松杉夜夜聞啼猿冠蓋追隨賢太守  
別駕相將進卮酒一代文宗慕古心獨立危峯凝望久  
歸來遲日已西斜僊舟棹影搖晴沙似見幽人渡溪去  
藤蘿深處飛桃花

入 觀經采石江吊李白時作

李白要捫江心月月影元從天上來又要騎鯨上天去  
江神不肯驅風雷便脫官袍發狂叫翻身墮水何愚哉  
我知李白醉後心人間誰是謫僊才錦心繡口亦安用  
乾坤道路生莓苔不如葬此江魚腹何必區區塵土埋  
靈神萬古儼如昨時跨赤虬遊九垓

妾薄命

妾薄命妾薄命自對妝奩照鸞鏡骨如削玉鬢如蓬白  
苧裙衫相掩映東鄰女兒畫黛眉西鄰女兒鬪腰肢爭  
向人前弄綽約狂殺長安輕薄兒妾薄命還不薄羞見  
秋蟻戴紅藥平生不識玉搔頭又復不識金絡索筐籠

獨把摘新絲養蠶線絲百尺長要與 君王補龍袞不  
織比翼雙鴛鴦又向崇阿采蘭蕙盈盈香氣生衣袂步  
月歸來路不迷矢此貞心永不替幽閨索莫春復春裹  
頭半幅吳綾新落花流水自相逐何限乾坤薄命人

香山九老圖壽刑書周泉坡翁期雍七奏

吳興畫史天下無丹青燁燁翻金壺須臾揮灑滿練素  
道是香山九老圖江城倦令千金購殷勤遙祝泉翁壽  
赤松偃蓋蒸雲霞紫芝搖光披錦繡但稱九老皆華顛  
便說貞元白樂天西曹尚書事辭賦那在昌朝房杜前  
洛陽逸士難拘管鄭據盧真復老嬾磁州刺史醉顏醜  
頭顱誰是僧如滿予惟貴索有九星化為九老來中庭

笑指蟠桃細相語能教人世增脩齡  
繼綵泉翁崇令德  
寃抑平反開壽域曾次陽和散彩毫  
純陰頓使回春色  
勛名卓爾摩蒼穹蒼穹錫福應無窮  
誰哉壽者寓深意  
嗟予地異心相同

雪屏圖為同年趙雪屏汝濂題

點蒼山高高莫比盤據滇南數百里  
神工削出十九峯  
一峯一峯有流水水上山如展畫屏  
雪華染破青山青  
無論玄冬與朱夏峯頭鶴鶴刷脩翎  
美人讀書此山下  
雪色明瑩照深夜冰心已在玉壺中  
取以爲號非假借  
詞林吉士天曹郎貯貽萬里遙相望  
京國煙塵隔寰宇  
飛夢時時歸故鄉  
卓彼勛名三壽永  
靜定如山發長

在他年白髮坐茅齋笑對雪峯同莫景

蒼鷹圖

秋風瑟瑟剪寒葉百歲蒼鷹不受獵  
饑時怒號百鳥驚  
燕雀聞之尤震懾利爪高懸古鐵鈎  
老毛亂綴錦雲裘  
昂頭側視九霄上意氣橫冲四百州  
於戲燕雀亦具雙  
羽翼天固同生汝獨食何當化作鸞  
鳳姿早與 君王  
昭 聖德

壽菱圖賀錢瀏陽令一溥母七袞

首夏清和花木妍海東玄鶴三千年  
飛來遙獻蟠桃實  
暫落高堂歌舞筵堂上慈親今白首  
昌黎奕世推華胄  
相夫曾爲儒者師課兒已應郎官宿  
歲月如流過古稀

葉砧已歸猶未歸要將勤儉敦薄俗手中弱線燈下機  
復以清白持門戶冰玉瑩然皎寒素不以富貴期後人  
竟得賢兒慰遲莫飛步秋空典楚庠分符作宰來瀏陽  
適當繼我彫弊後一時風采非尋常飛鷄亭前萬竿竹  
對月彈琴影相逐瀟條棠底薄俸金尊前冷落食無肉  
自養雖薄養母豐鳴鍾列鼎擬王公不獨口體養心志  
常令樂意春融融更賢又向龍川去奉母南行儼鸞馭  
半雲高手繪為圖一家老穉懼相聚我忝西臺畫省郎  
京國追隨稱壽觴願母自今壽無算地與父今天與長  
平山祝壽圖為總督東厓公乃翁題旬宣上  
谷時作

旌旗耀日騰輝光時登北嶽瞻故鄉目隨歸鴈同翱翔  
白雲縹緲盤高堂梅齋道人坐中央緋袍白髮壽且康  
琅函滿貯雙龍章維時九月天氣涼長庚夜夜垂精  
芒厓翁誠孝動彼蒼特遣賀者費長房瑤華滿卷聲鏗  
鏘揄揚德美千百行携取蟠桃與瓊漿湏臾飛步南海  
傍願祝眉壽天地長白頭孫子相趨踰時厓公  
尚無子公侯滾  
滾福穰穰公侯滾滾福穰穰

題吾鄉臨江太守張懷德畫懷德名承叙甲辰進

士予門生也歸田  
時作

春水茫茫無盡頭水邊楊柳弄輕柔罷釣歸來者誰子  
扁舟自在行中流浩歌長嘯開懷抱酒醉不知天地老



人間須信有丹丘誰知海上蓬萊島臨江太守冰玉姿  
披圖忽動尊鱸魚懇向 彤庭乞骸骨聲名一日騰  
京師要與斯人結盟會心期已在金貂外藥爐茶臼足  
生涯靜定功深息萬籟美爾年方四十餘閉門謝客縣  
高車我欲揮毫灑縑素圖成視此當何如

### 秋香玉兔圖

吾鄉兵書王莊簡翁復公子瑋作此圖予為其族人  
子執允中子文允恭兄弟作子執隆慶丁卯領鄉薦  
予長孫仕  
妻父也

尚書公子丹青手磨取金壺墨成斗醉灑絳紈風雨生  
幻出秋香滿澤敷黃英紫蓋鬪鮮妍翠竹青山共儼然  
規模種種真奇絕裝潢雅稱高堂縣惟餘白兔恣胸臆

形色頗與人間異兒曹染渲奮霜毫精神骨格繞相類  
兒子性  
生改作吾縣王門第一家祖孫六折蟾宮花內中三傑  
承 清問錦袍飽挹天門霞後昆尚爾森如玉科第流  
傳能繼續我重欵親賦此圖詩成大笑當晴旭

### 平山濯川圖

吾鄉遼州守宋伯寅相自號濯川湏予題其圖

秋水接天天可捫冰輪碾破青天痕數行歸鴈入冥漠  
百川浩渺朝海門幽人懷抱寰區小短棹輕舟拂蘋蓼  
一聲長笛肌骨寒餘韻悠悠復嫋嫋霜後中流清更清  
呼童珍重濯塵纓心神曠怡乾坤外披襟習習松風生  
邇來自得濯川趣萬物隨緣安所遇收綸繫纜長嘯回

寒村集  
三徑黃花樂遲莫

保定節推王子謨穎川衛人予門生也為其父索  
予坡東詩書此以贈

穎水遙連渤海東輪囷瑞靄磨蒼穹岡陵踞峙儼龍虎  
脉絡復與蓬萊通王君卜居占奇勝雙桂森森傍三徑  
我昔經略握兵符曾誇金玉相輝映難兄已着宮錦袍  
文光燁燁狎璇霄小試邦畿理冤獄貫索星空回斗杓  
計日天門頌鳳詔聯班青紫趨廊廟馳封白髮稱  
烏紗萬里風雲足吟眺竭來槐棘秋氣清難弟仍擅中  
州名鄉間可令增高大喧闐車馬勞將迎並羨君家崇  
令德頓教橋梓生頰色衰頹愧乏筆如椽揮灑華佗  
四國後節推被徵考選吏科給事中歷陞工科右給  
事中湖廣布政使司右叅議

寒村集卷第一終

寒村集卷第二

固安寒村蘇志臯德明存藁

七言絕句

擬古四首為諸生特作

婦人以夫戍邊而作是詩言其道路紆遠別久思深則雖勞于紡績亦不能假寐也且謂各處一方同對明月何如其淒惻邪卒之望其薦母之新紵君之憤而於所謂憂愁悲怨之意不少介懷可謂貞婦也已


機杼初停月滿梁玉關雲水各茫茫相思坐數寒更盡

向曉藤蘿影半牀

籬落荒涼接短牆雲間殘月露清光縣知不為關山隔

照見夫君兩鬢霜

萬里黃沙接大荒風霜日夜鐵衣郎秋來常倚柴門望



恐寄蒲萄阿母嘗

胡馬長驅入漢疆天驕何事惱君王可憐百戰沙場骨  
猶寄封書返故鄉

九日邀會友陶沙洲祚賞菊不至戲以詩促之

陶郎何處看通津采采黃花自可親携酒若來花下醉  
定非花上曬視人

感遇

嘉靖辛卯科予以書中式第三名梓文二篇時學士  
吳仁黃翁惠贊善蔡鶴江翁昂為主考主事諸公稱  
教授張公京安俱進士為房  
考同閱予卷故得拔擢至此

纔親鉛槧耽辭翰遽爾掄魁亦偶然又欲梓文傳遠近  
不知後日有誰傳

宿錢塘江戲呈同年王龍江鈇龍江為錢塘令眷

屬尚在閩中赴瀏陽任  
并縣中作

海國寒生夜寂寥月明潮上客魂飄使君定有還家夢  
笑對芙蓉把鳳翹

抵龍游呈陳令鈇

十月風霜換物華北人隨鴈入長沙南州却與中州別  
寒蝶飛來尚有花

陳搏圖

聞說希夷有睡魔睡酣不覺落花多如今洞裏無人睡  
滿地松陰長薜蘿

夜宿瀏陽公署懷會友楊九臯維誠九臯戊子亞

魁也

風雨淒淒入暮秋，夢回聞鴈轉生愁。故人阻隔天南北，一夜相思便白頭。

別駕廟

廟在太湖山下頭，廟前恠石吞江流。廟中陰鬼泣暮雨，廟上古木巢白鷗。

扁舟圖

蘆花點綴楚山青，江平舟穩睡初醒。浮雲捲盡暮天碧，歸鴈數聲秋冥冥。

姚公觀

薜蘿深處隔煙霞，曾是丹丘道士家。自挾蒼龍歸去後，

年年空放碧桃花。

武陵溪

帝鄉萬里桃源夢，夢折桃源花樹枝。自笑半生空寤寐，誰知真到武陵溪。

寄金總戎兼呈同年許西坡棧二人不相能作此解之

湖湘幾見西坡面，便道雲厓老將賢。肘後若縣平虜印，肯教飲馬到桑乾。

再呈西坡

萬里荆襄西盡頭，滿山嵐氣午纔收。谿蠻洞獠來相問，誰是青春許靖州。

弔屈原

國士誰憐萬古名  
汨羅江上荳蘭生  
天陰月黑黃陵廟  
山鬼時來傍岸行

權歌

瀏陽舟子無權歌為作口號  
二首使歌以相權且以勸俗

瀏水清漣照岸花  
隔花兩岸有人家  
家家不告無情狀  
納了官租快活殺

郎販魚鹽妾養姑  
勸郎休下洞庭湖  
湖中盡是無情漢  
郎若無情撇下姑

禱雨

予初至進賢欲毀淫祠恐拂人心時大旱乃投詩  
高宗嶺期三日不雨則毀其廟後不應竟毀之

燭龍卸火來江縣  
聞道高宗草木枯  
欲向山神問消息  
應時靈雨有還無

甲午與江西場屋事還宿武陽驛

是科予取中式者五名蕭祥曜羅珵俱泰和人楊克  
成貴溪人徐珪上饒人余鉉鉛山人祥曜連登進士  
仕至御史理戎成第  
一甲第二名任編脩

秋風江樹莫蟬歇  
月明籬落山人家  
寒砧半作客心碎  
猶憶長安丹桂花

夜過蚌湖

夢酣不覺江南夜  
候吏催船過蚌湖  
又報繫船鄔子驛  
醒來明月滿菰蒲

留別高安令廖東雩兼呈廬陵令傅少巖願吉安

令胡鹿厓鰲二同年

錦江秋盡芙蓉冷  
鹽嶺霜飛薜荔寒  
爲問故人憐客意  
層樓何處倚闌干

雜詠二首

松菊彫零憐舊業  
鏡中白髮誰堪鑷  
偶向窮途一笑回  
滿林瀟瑟飛黃葉

有客還登王粲樓  
無人更下陳蕃榻  
夜深不語自焚香  
靜聽秋蛩相問答

太霄宮

月明山夜太霄宮  
道士何人解御風  
我有青囊書數卷  
朝來遙寄海門東

元陽觀

逢人便說元陽觀  
觀裏神僊定有無  
聞跨青牛過關去  
松杉空護煉丹爐

送陸鷓峰赴建昌

毘陵豪士機雲後  
吏隱盱江養性靈  
不及麻姑泉釀酒  
鳳山亭下續茶經

憫鄔子驛纜夫以驛近鄱陽湖田高而瘠惟宜種豆故云

東北疲民最可憐  
年年曳纜送官船  
夜來山雨添湖水  
又沒湖邊種豆田

風霜高節書竹

勁節傲殘幽并雪，新梢攬亂瀟湘雲。惟有石灘號契真味白髮清樽憐此君

### 紀夢

予以進賢令入觀道經青陽縣有九華山李太白嘗隱于此夜夢公責予不以酒飲之面有愠色持一果曰此芙蓉實也汝食之後必能詩

酒聖詩神李謫僊，九華山上枕雲眠。夜來摘取芙蓉實，夢裏相將付少年。

挽舟自萬安赴虔過十八灘予被徵後途中作

春水漫天響萬雷，灘頭還見石崔嵬。只饒桃李無煩惱，不管愁人帶雨開。

萬安妙香山雙松畫壁

雙龍飲江渴未足，化作深山百丈松。誰人揮毫入神品，不似真松還似龍。

### 採蓮曲

彭蠡湖中南贛船，女郎作伴採秋蓮。含羞惟恐傍人見，撐近蘆花洲子邊。

### 龍游遇風

花底春陰百鳥鳴，溪邊兒女唱歌聲。無情自棹孤舟去，還向風波險處行。

### 贈休寧齊雲巖道士

白嶽山人冰玉姿，夜深吹笛鶴來時。騎鶴飛回山月落，自誦黃庭茹紫芝。



夜泊涇縣

南國風煙啟客懷  
輕帆夜泛小舟來  
滄江欲落纖纖月  
猶照芙蓉近水開

雜詠四首效宋人議論體也

漂母祠

碧水經流自古今  
當年曾此飯淮陰  
千金不食饑時報  
漂母元無望報心

子陵釣臺

嘉靖丙申春舟經釣臺作前詩忽爾風起水湧如子陵躡責者乃更作後詩

江南高士還須有  
河北功臣未可無  
假使功臣盡高士  
光皇赤手倩人扶

之  
後  
才  
雲  
臺  
不  
久  
亦  
塵  
埃  
富  
春  
山  
下  
桐  
江  
上

還丹堂時舊釣臺

泛西湖吊岳武穆

迂儒以為飛當先下金虜然後自縛以請違詔之罪不若士苦于征役一聞詔還行在旗靡輒亂飛口

長驅苦戰岳家軍  
盡道雌雄半晌分  
宣喚承天子詔  
更誰同去赴燕雲

蘭竹圖

九畹幽蘭千畝竹  
渭川楚澤兩清風  
趙昌縱有丹青手  
畫出芙蓉定不如

解嘲

紫霞紅日弄熹微，秋省隨行到晚歸。  
獨着緇袍騎瘦馬，傍人猶笑戀輕肥。

冬日送同年黃梓谷峯山寺松江

盡說東曹黃梓谷，漢時黃憲即身誰云。  
楓落吳江冷，管領春風是此人。

送同僚沈鳳

使君車蓋擁雲霓，家在峯山樓上望。  
采詩休問杜鰲鰲。

送楊處移先生遷任饒陽

澹煙疎雨綠城秋，張校門西古渡頭。  
欲把相思付流水，盧溝日夜水悠悠。

同僚張玉泉明道常以詩嘲予，玉泉面黑，予亦以詩嘲之。

言炭街頭日幾回，依稀剛得辨鬚眉。  
歸家剩被山妻笑，喚出兒孫認是誰。

詣承恩寺訪舊主僧清上人，惠惠素有戒行，感舊作此。

興隆寺即元慶壽寺裏近齋堂，曾是禪僧入定房。  
今日寺光僧尚在，後遷承恩寺。慧燈猶放佛前光。

南極圖贈張翁

吾鄉張承齋翁，宗德以鄉薦官皆有能聲，恒加于予。後予官此，部偶得此圖，其眉面頗與公類，因壽為公。

曾向丹丘說太玄穩騎蒼鹿踏青蓮瑤池摘取蟠桃實  
寄與蓬萊島上仙

白苧詞

白苧裙衫澹掃眉只將纖手拂機絲春風悞遣楊花入  
到底真心不爾隨

贈同年楊古厓雷以給舍奉使鳳陽便道歸省

雲連海岱新停雨遠向中都溥 聖恩錦纜須教牽月  
色江門慈母倚黃昏

九日四首

九日登樓獨倚闌樓高又恐不勝寒故鄉元自無元酒  
縱有茱萸那共看

前年謾坐東籬下酒美花香客更多今在異鄉遙借問  
故園秋色近如何

登臺已廢龍山約風雨冥冥遶禁城暫到鄰家看盆菊  
十分秋思眼前生

白衣空到菊無酒黃菊待開又少詩却惟西風修故事  
入門吹帽欲何爲

呂君國為同年孫可菴簡題

蓬萊山上爲仙客黃庭弄紫霞醉夢不知天地老  
岳陽寧戀牡丹花

紀夢

壽張艾復齋先生景賢會試不第授吾縣學諭以文  
字識予遠縣令物故予夢中見一散人不知爲誰

即之乃復齋先生也為作是詩

一片藍田野草春誰揮羽扇白綸巾溪頭暖氣蒸雲濕  
疑是當年種玉人

### 老馬

蹄輕骨健不凡材逐電追風大宛來自昔北荒征戰後  
空留餘息臥蒼苔

### 病鶴

清唳曾於海上聞一時仙馭獨超羣如今六翮彫零盡  
常夢松梢臥白雲

### 七夕

燕姬新式裁衣不捲袖  
銀蟾待月輝忽被片雲遮  
綵勝

### 暗將紅線比腰圍

### 東方朔偷桃圖

東方曼倩偷桃事遷史不載詞客每及之以彼洞幽  
扶冥神遊象外異其說也中州平山子作此圖衣冠  
手足具見竊意不獨面有畏色而已真謂氣韻生動  
得畫家之三昧者予鄉同年無錫華補菴雲方會試  
禮部以弟翰林先生鑰入簾校文格不得進  
將還山讀書且飲壽尊南海翁乃為作此

金馬門連太乙宮酒酣飛步日華東蟠桃竊得歸來後  
欲寄清虛海上翁

### 和正郎楊少室本仁竹枝詞

予謂詞與絕句音調不同

小姑山下大江頭睡損春風第一樓  
此句予夢女伴不知緣底事唱歌齊上木蘭舟

### 中秋看月四首

幾年吳楚悲行役纔到中秋又別家獨把一杯邀月飲  
起看孤影近山花

中秋月色倍堪憐故送十分照酒筵記得去年今夜半  
朦朧冷浸劔江船

昨夜中庭看月華朝來時向客前誇不知客上層樓看  
更見嫦娥折桂花

已恠嬋娟度海遲片雲何事苦相隨儘教立盡婆娑影  
縱有清光那得知

### 梅妃圖

翠篠紅梅兩耐看玉人閒倚畫闌干涼風似妬芙蓉面  
故送鮫綃半臂寒

### 戲題鍾馗投壺圖

予嘉靖庚子春借比部同僚丁南溪以忠輩送予同年徐堯峯禎于歸義寺寺僧縣此圖鍾馗置鞵于前以矢投之一鬼物兩手侮弄使不得中又一鬼物竊飲于後予戲題一詩寄笑諱爾是夏予同鄉光祿少卿高東玉澄夢綠衣使者謂予朝戲太其求為解之東玉折簡道夢中事予瞠然不知所謂嗣夜東玉復夢如初恍然有芭蕉秋影等句先是南溪聞東玉復夢私即謂此殆亦異哉乃復作一詩從東玉之解答使云

芭蕉秋影送婆娑沉醉魍籌付鬼魔到底不知身後事  
鄴都城外更如何詩前

蟠桃三竊酒頻傾總是區區兒女情莫道不知身後事  
目光如電照幽明詩後

沈丘道中避雨僧寺兵部題穎州時作

映簷朝雨細如絲溪上垂楊舞柘枝暫向禪林問真偈  
白雲流水兩無期

初夏寄題龍興寺禪房

蒲萄引蔓棘開花臺殿參差日影斜一客不來雙燕落  
老僧閒自曬袈裟

宿彭城山館

柳葉纒黃柿葉紅草堂門對石橋東殘經讀罷焚香夜  
臥聽龍山寺裏鍾

泝流抵彭城喜憲副屠竹墟大山舟至

黃河水勢滔天漲浸着桓溫戲馬臺我欲登臺望東海  
片帆遙見日邊來

舟泊鍾吾驛邀竹墟同醉

十日風帆千里程雨聲愁聽雜灘聲淮南載酒誰堪醉  
飛騎先邀阮步兵

留徐水部有讓求歸

即與予同建昌梁洪南開壩者

巨梁洪上柳成陰影入秋濤黯黯深莫折長條千萬縷

夜歸歸心

胡姬句宣上胡姬谷時作

貂裘繡襖五花驄雙鬢垂青臉暈紅一笑不知何處去  
荻蘆叢裏射驚鴻

端午日新開口獨酌

陂塘水冷蒲芽短邊塞風寒酒興豪欲把一杯酬令節

何人邀致霍嫫姚

送客自嘲

居庸南望樹蒼蒼一派寒流帶夕陽自天半生常送客不知身亦在他鄉

甲辰北伐

時龍門所虜常寇邊予言于總督程聯峯翁鵬撫臺王肅菴翁儀曰勝虜莫如搗巢迨春而出以我之聚乘彼之散以我之有謀乘彼之無備復以良將主之無所搖惑無所牽制無可宣戰此謂小戰小戰勝則士氣揚士氣揚則可以大戰二翁許可予遂與元戎提兵出塞是役也斬首五十二級獲馬一千有餘牛羊無算捷聞朝廷嘉其功各重加陞賞虜自是不敢窺龍門所矣或恐啓釁予曰虜于中國有何情款有何盟誓數十年來大肆憑陵是誰啓其釁邪

半夜驅兵薄虜營旄頭星殞將星明歸來洗却金刀

詠平胡第一城

龍門關

龍門關上望涼州白草黃沙萬里秋羽檄不傳烽火息諸蕃尚牧海西頭

寓龍門謾興

秋塞浮雲結屨樓登山窮望起邊愁何人兀坐深巖裏盡日悠然看水流

擬古

長樂宮前流水聲倚闌閒看月華明三更已盡沉沉夜寢殿阿嬌繫聖情

漢女

經秋自上望鄉臺腸斷西風日九回欲寄音書憑去鴈  
不知鴈去幾時來

寓鵬鶚官舍次巡院蘇舜澤祐韻

鵬鶚山頭日影浮殘春時候似深秋凍雲不得為霖雨  
閒向溪邊逐水流

宿長安嶺

長安嶺上度寒宵自枕雕弓擁戰袍忽被松風驚夢斷  
恍疑臥聽浙江潮

送都閩馬山亭鎧陞山西叅將

上谷春融燕尾河如雪鐵騎擁金戈君侯若更標銅柱  
便是當初馬伏波

二水驪山古戰場

雞鳴山外是桑乾土木村南戰鬪殘拾得金戈換春種  
誰教遺骨向河干

隆慶訪先隴

國初此山在隆慶縣內予家占籍固安亦有附昌平三  
河者其地與隆慶縣界至州首詩塋墓所在讀不可得  
乃作此詩以  
寄京師云

家世相傳在此州不知何處是松楸臨風一掬潸然淚

淚向人言萬古愁

平山秋日拾遺

紛紛黃葉下山坳滿耳秋聲在樹梢詩思窮搜天地外  
吟成驪首謔推敲



桑乾河源在馬邑縣東北十里

吾鄉最苦桑乾水今日尋源到此山說與山靈牢記取  
休教東入紫荆關

夫容圖

夫容最耐秋江冷落日紅酣闌晚妝寄語攬春桃李萼  
可能同受五更霜

山茶圖

山茶曾館紫金丹駐得紅顏耐曉寒  
管伴新篁與喬木  
令人時向雪中看

貶河州經灞陵橋感懷

遷客經過送別橋溪風山雨正濟濟  
驅車更向岷洮去

把贈何人折柳條

宿伏羗縣

伏羗縣裏過中秋水滿陂塘月滿樓  
遷客西來還自笑  
故鄉兒女正離憂

除夕宿梓潼觀

邊塞風光羈旅情還鄉好夢那能成  
明朝謂是朝元日  
自起挑燈禮上清

畫眉圖

桃花爛熳曉猶寒懶畫雙眉喚客看  
識得新妝今半額  
更施綠黛倚雕闌

黃鸝圖

不向隋堤鳴翠柳却來漢苑啄紅英也知九十春光好  
緘口曾無彈射驚

秋日登鎮邊樓集唐人句

一上高城萬里愁城邊人倚夕陽樓誰人正得風濤便  
天入滄浪一釣舟

風物淒淒宿雨收蒹葭楊柳似汀洲孤城此日堪腸斷  
樹夾河聲遶郡流

大旱投龍井

古井靈泉旱不乾蛟龍定向此中蟠何當挽取黃河水  
使我窮邊萬姓歡

觀大夏河

終日河邊看水流水流應到海東頭吾家正在天津北  
欲寄封書少便舟

問俗作俚語二首

板房土炕傍山巖酪酒酥油亦解饞無數番人來唱喏  
白毡宣帽黑毡衫

亂上藏上藏上藏上藏上山頭日已斜塔刺街上獻巴茶主人稽首  
通名姓自謂編民奧利牙

過涇州回中謁王母宮歷任陝西特作

王母宮中日月遲蟠桃常有萬年枝憑誰送我長生酒  
得見開花結子時

詣省再過華池

水繞山環古驛樓  
蜂鬚蝶翅麥花秋  
迢迢千里長安道  
處處風塵慄客愁

祈晴

倉庚鳴罷麥黃時  
蠶女相邀拜雨師  
桑葉影疎殘日出  
笑看山繭吐晴絲

秦嶺吊韓昌黎愈

祠堂冷落帶殘曛  
古木哀猿不可聞  
百世斯文雙涕淚  
隨風灑向嶺頭雲

寓寧州借呂定原韻遊南山寺

蝸篆苔痕滿畫廊  
慧燈猶放佛前光  
相思爲愛三花樹  
故逐春風到講堂

過乾陵

乾陵樹木已摧殘  
雨灑風吹石獸寒  
故事老來都忘却  
問人重借史書看

題睡猫圖因以自勗

黠鼠如今已遁形  
刺桐花下夢初醒  
任教蛺蝶聞來往  
不逐翩翩過草亭

開城鋪

西風吹雨送淒涼  
白草黃沙驛路長  
欲問干戈何日息  
直須縛取左賢王

自嘲

嘉靖甲辰詔兩京大臣各舉邊才順天府尹高欒  
汀公擢南京吏部尚書宋南塘翁璟薦予至庚戌秋

虜犯都城九卿科道會推予以涇  
外兵備僉事陞鴈門兵備副使

聖皇拊髀選邊才章疏紛紛達玉階  
盡道疆場多智勇天驕誰遣復南來

登龍門呈同年吳望湖獄在山西  
時作

龍門噴薄黃河水日夜殷殷激壯懷  
欲溯真源探星宿浮槎八月許重來

孔雀圖

恠石新篁映夕暉珍禽相對理毛衣  
自憐金翠無人見常向清江照影飛

雲中登挾兒嶺

挾兒嶺上胡雲黃挾兒嶺下秋草長  
誰人拈取天山箭

射殺陰山雙白狼

紇絡頭

亂山仄徑寄危蹤路入平沙處處通  
擬向郵亭續殘夢烏鴉啼斷白楊風

十三山望海拍循遼  
海時作

群山海上連蓬島風雨不驚天地老  
何當飛步碧雲頭俯瞰滄溟挹晴昊

題畫

仙子曾將錦繡裁繁華春滿越王臺  
年年會有相思處明月清風跨鶴來

迎春戲作

春日邊城春可憐填街白戲各爭妍老來厭見迎春日  
迎得春來更老年

莫冬聞警親提兵至開原

海國風掀凍雪殘驚沙凌亂拂征鞍馬毛如蝟鬚如戟  
誰信邊頭猛士寒

屬夷窮冬以饑不靖予專主招降遂安輯如初

鴨淥寒江萬里長雪黃沙三三三三三三三三三三三三  
但取降書達 建章

撫松觀泉圖

功成身退撫孤松睇眴流泉  
此心已在白雲峯

聞松谿先生赴

予壬辰科連中進士第時學士張玉谿翁潮侍讀郭杏東翁維藩為主考編脩程松谿先生文德為房考置予卷在前列雅相知遇後先生陞

歲暮窮途雪出飛音遲遞到三韓開緘追憶春風面  
入夜燒銀灑淚看

護城臺

廣寧鎮城外西北隅有岡在護城河內難以蓄水予作臺臺縱三丈橫五丈復建樓櫓于上可伏甲士數百人以衛城名曰護城臺

鞞同突兀等蓬瀛更築高臺護古城願祝 皇圖千萬  
世一方民物樂昇平

題畫二首

霜月窺簷映酒旗漁燈明滅夜深時歸來馬上吟魂冷  
猶續山前吊古詩

木落山空雪霽時橋頭驢背醉歸遲草堂一覺羲皇夢  
千古興亡總不知

戲題自畫家鴨圖

杜若花開春水生江晴日暖自呼名用中官彈鴨事也知難搏

中山兔用東坡博免事雪夜曾演破蔡城

聞兼山先生赴

莆田史兼山先生梧嘉靖庚辰科以書中式時武宗南巡暫寓居興隆寺吾縣士子多從之游及世宗即位置先生第二甲第八名授南道御史陞浙江僉事所至以直稱屢忤富道遂致仕去迨丙辰春音至遼海予托其

曾開講席興隆寺桃李門墻日往還今日窮邊聞遠信  
封書遙寄淚潏潏

題畫歸田時作

春風吹入晚妝樓樓上佳人喚莫愁任是莫愁愁尚切  
雙雙感破翠眉頭

秋夜感懷二首

夜色冥冥失鴈群半天寒雨一天雲誰人更是悲秋客  
朗誦當年宋玉文

漠漠秋空澹月明忽聞孤鴈墮哀聲燈前久坐渾無事  
引起十年脉脉情

春竹帶雨題畫

新篔簹雨簟茸茸斤斧須教赦籙龍養就短筇扶醉去  
春山到處寄行蹤

夏竹弄晴

暑雨初晴日正長扶疎清影入橫塘携壺取醉披襟臥  
絕勝佳人錦瑟傍

秋竹搖風

玉女乘風月下還秋宵環珮響珊珊何當更附青鸞尾  
笑倩飛瓊整翠鬟

冬竹傲雪

僊馭聊停屬耳聽蕊珠女伴誦黃庭不知雪霰紛紛落  
染得瓊瑤滿鳳翎

換我圖用洪武韻

晉代風流許鉅儒濡毫伸紙但須臾黃庭寫罷籙雲  
道士何人解愛書

徽宗白鷹圖

小殿清幽逸興生要將丹粉擅高名當時若有鷹揚志  
免使淒涼五國城

雜興

吾家新創 賜金園三度花開日掩門誰有年年雙紫  
燕時啣柳絮到前軒  
春寒無奈百花稀二月將殘燕未歸料得江南風日暖  
如今正遶畫梁飛

瘦馬圖

逐電追風萬口誇功成百戰破龍沙如今瘦影當寒日  
天下車書正一家

老馬

老馬長吟白草秋驅車已過重回頭似應識得當時面  
猶帶籌邊一段愁

桃花

度索山前五木精一枝曾寄許飛瓊自從流落玄都觀  
點檢春風不世情

梨花

花如剪雪復含香夜向姮娥問曉妝深院佳人常愛惜

金釵聊記月痕傍

木蘭花

木蘭花傍木蘭舟唱罷新詞祇自羞欲說相思妨女伴  
花開花落總堪愁

紫薇花

柔枝嫩葉自相將結取春陰護短牆日暮影沉深院靜  
不知誰是紫薇郎

紀異

嘉靖丙寅歲吾園一槐七月而凋如枯木然既閱月復榮是年兒子大生得授光祿典簿亦異矣哉  
高槐七月凋零盡海燕將雛落滿枝自謂榮枯由造化  
復生新葉似春時



衰柳

路柳逢秋已半衰，枝枝葉葉總堪哀。行人且莫輕攀折，留待春風次第來。

謝光祿卿靳兩城學顏貽書

巖廊立壑元相遠，道路漫漫百里餘。賴有湖湘南北鴈，不妨常寄故人書。

七言律詩

過東光縣

赴瀏陽任并縣中作

燕客初乘萬里舟，孤蓬霜冷逼深秋。洞庭水隔天涯迥，魏闕心懸日影浮。點點星槎穿落木，依依雉堞擁層樓。舊時龍劍今仍在，隨我重來上國遊。

曉發徐州

片帆南下此重來，候吏催船向曉開。萬里風煙真落落，百年身世自驚猜。故園秋老黃花夢，異國寒生紫艷杯。欲上黃樓瞻北極，湖湘歸鴈一聲催。

陸行過草萍驛

抵常山會陳令，驛設丞學，夢欠日赴玉山舍舟經草萍驛。

雨晴山館曉微寒，石磴紆迴道路難。萬壑泉聲通海國，雙旌日影別江干。瞻雲自識棲僊洞，入楚誰憐控玉鞍。獨有使君并少府，夜來青眼笑相看。

送長沙同知林秋潭檣致仕歸莆田

承明咫尺侍宸旒，抗疏曾經瘴海投。許國夜懸青瑣

夢懷鄉時憶白蘋秋  
三千里路雙龍劍  
二十年官一鹿裘  
更有何人憐落魄  
淒風苦雨送行舟

龍潭寺懷古

山寺高寒倒夜尊  
霜橫鼓角送黃昏  
月明影落龍潭竹  
風定僧開石洞門  
賈誼未收千古淚  
屈原猶在半生魂  
憑誰能入湘江夢  
二代興亡細與論

入

觀回經旌德山溪鋪感懷

任進賢時作

南冠常戴憐為客  
落落乾坤未卜居  
山鬼試人吹箬葉  
江妃吸月弄螭珠  
半生夷險驚衰鬢  
三輔松筠憶故墟  
寄語奚奴牢記取  
牀頭收拾萬言書

送詹碧溪遷江山令

南州佳氣送消息  
常見隱約松門間  
青袍不減舊時味  
墨綬能開今日顏  
秋風江舸兩賢縣  
碧溪丞進賢今遷  
賢莫天雲樹雙郎山  
碧溪歙人歙有雲郎  
百年蹤跡總難定  
無與浮雲相往還

早朝

奉天殿接

詔官比部時作

宵柝稀傳禁漏遲  
迴廊華月影參差  
玉階直接承明殿  
銀漢遙通太液池  
咫尺雲函頒聖詔  
依違羽扇肅朝儀  
微臣亦見天顏喜  
未必常教近侍知

奉和李序菴翁時內閣盆荷

嬋娟初試舞衣風  
錦綺裁成照水紅  
雨露偏承回地脉  
絲綸靜理識天工  
清分太華峯頭種  
香散昭陽殿後宮

須信蓮房飽秋實要隨元老奏元功

送同年賀橫山恩謫守安吉州

春滿皇州酒滿甌與君曾醉曲江頭西曹衣鉢還相禪  
南國風流憶共遊執法又占侵貫索文昌暫許傍牽牛  
何時 聖詔徵賢達叢桂垂花正秒秋

瑞芝為大叅尹恒谿嗣忠題恒谿予兒子大生婦

翁也

古栢森森柱史祠恒谿乃翁綸嘗為御史近來生有紫靈芝輪囷

夜靄雲霞色芳潤朝涵雨露姿玉屑謾勞僊掌送琅函

湏待漢宮持承家麟鳳真祥瑞佳氣還應繞帝居恒

後仕至兵部右侍郎兼巡撫延綏右僉都御史二子敷訓敷誼又皆青雲備器

送澤祐督學江西

名御史澤祐教向三吳雄文氣薄東西漢

紫雲香烟雙袖滿江湖日影片帆

子澤祐一澤祐無禮金牛山名羅一儒峯倫講道處

六韻

半世澤祐風雨澤祐微寒鷓鴣枝盡棲仍穩

眼吹笙澤祐誰望跨青鸞

謝安

交游澤祐世浮名萬事空抱病檢方分藥裏

借書投刺滿詩筒笑雜坐黃昏後風雨連牀紫蔗東

念爾同心不同老獨將殘淚灑悲風

哭座主少宗伯蔡鶴江翁昂其備穎州時作

落日空江鶴夢孤故壙重過憶軒車百年衣鉢傳經後  
萬里風雲登仕餘淮海不禁雙涕淚松楸何事接菰蒲  
鹽梅未試玄宮闕賴有承家兩鳳雛

奉贈大司馬毛東塘翁伯温平交趾

露布遙傳海外平山蠻洞獠慶生成金刀不染瘡痍血  
銅柱重標將相名萬國舟車朝帝闕五溪風雨送天  
聲鴻儒自有安攘策直取降書答聖明

陪巡院程古川軌謁西鎮任陝西時作

吳山靈祝著神功繡斧行春意已通隴樹秦雲瞻氣象

長河太華寄英雄一方霖雨三農足百物生成五嶽同  
猶恐陰崖含凍雪欲隨仁者播仁風

賀舜原楊公瞻榮封少司馬拊循漳海時作

關西譜系河東派白髮緋袍撫仕餘三世勛名昭宇宙  
一門禮義重鄉閭京卿簪笏堆牀滿詩社尊壘撫景初  
追憶向時談笑處屋梁落月夜堂虛公竟以地震入夜被屋梁所壓而歿

識之可長如此

送吾鄉周子初分教伊陽歸田時作

鉛槧相將四十年賢關矯跡許誰先青衿久入菁莪夢  
華髮聊隨苜蓿綠西席已專高士榻曹為銓部張龍中岡舜臣館客  
州復據廣文毡他時槐棘秋風便飛步雲霄萬里天

須信道房飽秋實要隨元老奏元功

送同年賀橫山恩謫守安吉州

春滿皇州酒滿甌與君曾醉曲江頭西曹衣鉢還相禪  
南國風流憶共遊執法又占侵貫索文昌暫許傍牽牛  
何時 聖詔徵賢達叢桂垂花正秒秋

瑞芝為大叅尹恒谿嗣忠題恒谿予兒子大生婦

翁也

古栢森森柱史祠恒谿乃翁綸近來生有紫雲芝輪囷

夜靄雲霞色芳潤朝涵雨露姿玉屑謾勞僊掌送琅函

須待漢宮持承家麟鳳真祥瑞佳氣還應繞帝居恒

後仕至兵部右侍郎兼巡撫延綏右僉都御史二子敷訓敷誼又皆青雲備器

送年御蘇舜澤祐督學江西

風雲名御史聲教向三吳雄文氣薄東西漢

灑灑辭兼大小蘇 殿陛香烟雙袖滿江湖日影片帆

孤藤羅襪金生道一剪繁無禮鉅儒金牛山名羅一

秋日省中集次韻

半世憂愁一日散西臺風雨送微寒鷓鴣枝盡棲仍穩

鸚鵡杯空量自寬抱甕獨憐經白眼吹笙誰望跨青鸞

東山泉石依然在肯復隨人羨謝安

哭友鄭維禱禱 癸辛 外同年也

交游省識康成後半世浮名萬事空抱病檢方分藥裏

借書投刺滿詩筒笑談雜坐黃昏後風雨連牀紫禁東

念爾同心不同老獨將殘淚灑悲風

哭座主少宗伯蔡鶴江翁昂

兵備領州時作

落日空江鶴夢孤故廬重過憶軒車百年衣鉢傳經後  
萬里風雲盡仕餘淮海不禁雙涕淚松楸何事接菰蒲  
鹽梅未試玄宮闋賴有承家兩鳳雛

奉贈大司馬毛東塘翁伯温平交趾

露布遙傳海外平山蠻洞獠慶生成金刀不染瘡痍血  
銅柱重標將相名萬國舟車朝帝闕五溪風雨送天  
聲鴻儒自有安攘策直取降書答聖明

陪巡院程古川軌謁西鎮

任陝西時作

吳山靈貺著神功繡斧行春意已通隴樹秦雲瞻氣象

長河太華寄豪雄一方霖雨三農足百物生成五嶽同  
猶恐陰崖含凍雪欲隨仁者播仁風

賀舜原楊公瞻榮

封少司馬

拊循遼海時作

關西譜系河東派白髮緋袍膺仕餘三世勛名昭宇宙  
一門禮義重鄉閭京卿簪笏堆牀滿詩社尊壘撫景初  
追憶向時談笑處屋梁落月夜堂虛

公竟以地震入夜被屋梁所壓而歿

識之可長如此

歸田時作

送吾鄉周子初分教伊陽

鉛槧相將四十年賢關矯跡許誰先青衿久入菁莪夢

曾為銓部張龍中

華髮聊隨苜蓿綠西席已專高士榻  
州復據廣文毡他時槐棘秋風便飛步雲霄萬里天

周舜臣館客

歸田後承諸親友招飲作此奉辭並布鄙懷  
九考何能受 國恩消埃未報暗銷魂蕭蕭華髮依然  
在耿耿丹心尚爾存邛有餘懽成笑傲自無殘醉度晨  
昏也知樽俎笙歌好慚愧平生且閉門

詩餘

海天一鶴圖為廖東雪作

瑞鶴僊

海曙明霜曉乍飛來羽翮蕩摩天表萬里滄溟小看墨  
染裳玄雪凝衣縞曾隨清獻錦城西慣見白蘋紅蓼是  
何年來向江干又伴雲陽年少 窈窕竹間引步華表  
昂霄孤標皎皎維揚路遠錢塘山杳夢魂縈繞待明年  
携取坡僊直上五雲縹緲應誇鷓鴣同群頡頏青鳥

夏日留題省中葡萄

如夢令

弱幹千條萬縷細蔓牽風鬪雨蛟女弄玄珠驀地幾回  
吞吐記取記取誰到秋來做主

獄神祠前葵花

浣溪沙

豔冶花傳巴蜀名號風泣雨送悲聲聞開聞落總傷情  
密葉誰烹供午餉孤芳自摘信平生楚囚相對淚如  
傾

登玉皇閣

天僊子

嘉靖甲辰秋虜犯紫荆予以督餉至蔚州且趣兵進  
薄廣昌乘月登陴環眺群山如有列僊者驟鸞跨鳳  
翺翔其間乃作小詞  
一闕以寄遐思云

青帝祠前赤帝祠步虛聲裏夢回時羽輪歸去鶴書遲

山吐月水平隄泠泠玉露濕僊衣

游女圖

菩薩蠻

畫橋西去垂楊陌桃花嫩染胭脂色花下見娉婷雙眸  
帶曉星欲去重回首背立斜陽夕今笑折花枝芳心  
不自持

莫秋登眺有懷

菩薩蠻

滿城風雨重陽近鄉心一片誰曾問木葉下汀洲家家  
砧杵秋記得當時別相思頻向說目斷送歸鴻雲山  
千萬重

貶所春日登鎮邊樓望雪山

菩薩蠻

玉門關外生春草莫道天涯人易老冷宴問春風春風

處處同惟有南山雪四時光皎潔登樓指顧中白雪  
映青松

秋日登鎮邊樓感懷

浣溪沙

鎮邊樓上漫凝眸漠漠黃沙澹澹秋風林無奈攪鄉愁  
鴈字不來書又斷君恩未報筆仍投時時魂夢繞  
皇州

送何將軍淮遷秩赴涼州

長相思

東河州西涼州隴樹秦雲欲變秋相看萬里侯花滿  
頭酒滿甌客中送客轉生愁天涯人倚樓

寒村集卷第二終



寒村集卷第三

固安寒村蘇志皐德明存彙

序

壽方東洲女兒序

蘇子嘉靖壬辰夏授瀏陽令越明年春赴長沙邂逅醴陵令方子明育蘇子願見歎方氏父矣相與語甚懽既乃別去再以事至長沙復會方子則締交矣客處幾兩閱月時談及女兒之賢蘇子嘗慕方氏世以文名見方子聞女兒之賢又慕其世德之厚也方子溫慈審慎治醴陵有賢聲豈欺我邪遂詰其詳方子曰予姊貞靜而敏慧少精女紅長適曹氏自舅姑而下賤逮奴婢皆以

賢稱產二男皆不育即為夫置膳妻數人擇張當側室  
逮今生男五人女一人孫八人皆如已出至有能振家  
聲者予一弱息亦鞠之不啻諸孫子焉辛卯秋夫歿家  
內外事咸主之綜理縝密濟以慈惠為一鄉之女則抑  
可謂仁也巳今年壽當七袞歲除乃其誕辰也煩一言  
令吾子持以稱壽酬恩闡德以敦懿親不亦可乎蘇子  
曰物之靜定者壽人之仁者壽孺人兼之當由古稀而  
耄耋矣詎可涯邪晉人有曰婦德尚柔含章貞吉婉嫺  
淑慎正位居室施衿結帨虔恭中饋肅慎爾儀式瞻清  
懿殆為孺人頌也使歌以侑觴謂蘇子為佞邪

送高君擢知涉縣序

夫以勤勞擢為彰德涉縣令介其僚  
予於比部因問予曰子嘗令瀏陽又令進  
其必優于理民矣尚禮筮仕遂得珍羞署丞即古所  
謂掌王之食飲膳羞以養王及后世子及祭祀賓客者  
其職不過督膳夫以調和五味而已今乃理民殆恐二  
道乎吾憂其牴牾不倫必曠厥官而病厥民子盍以所  
優為于吳楚者為一言焉將靳餘緒乎予曰天有五行  
人有五性養有五味節宣五行則天道成涵養五性則  
人道成調和五味則養道成一而已矣今夫酸以養骨  
辛以養筋鹹以養腠苦以養氣甘以養肉各有專益也  
使不調和之則養道不備而亦不足以適口矣君知此

道久矣推而廣之其于理民夫何難哉蓋民性之仁者有柔善有柔惡義者有剛善有剛惡至于禮智信之性亦有二端而不能各協于中况又有戕害凌奪天闕紛綸參差萬變而不可齊况涉又地險人豪奢麗相勝復有恒代之遺風于此能斟酌劑量使性無所偏而人各得所如調和五味然此繫教道又繫養道也君有師率之責即未能自盡其理則然予惟移珍羞丞不但能理民若五味之甘與仁通五性之仁與木通餘則並以類從節而宣之即天道亦可幾而理也道豈有二乎哉嗚呼厥任艱矣高君榆林人尊甫翁嘗為各郡縣長貳其弟握兵符為時名將世以文武傳家通於理者也必不

以予言為不然王君吾縣人名炯因請書以為贈于時春日載陽草樹向榮諸僚友相與送于宣武門外諦觀予言將不以為然乎

送虛樓先生還治饒陽序

嘉靖戊戌春正月一日天下諸司述職于朝天子命天官氏考覈幽明而黜陟之楊虛樓先生為饒陽令以賢良首被簡存越二月十有五日既

陛辭捧

敕而還也予嘗為先生弟子員是日輟部事携光祿署丞待菴陸君相與送于張掖門外舉觴而餞之陸君謂予曰子聞虛樓先生治吾縣乎吾縣今隸真定古燕趙

地俗好任俠有曠悍木疆之習邇來又爲饒河所苦海  
鹵執溺田之膏腴者無幾民鮮樹藝多煮鹽自給還以  
供賦稅故剽掠與轉徙者視他縣爲多部使者每詣吾  
縣見其廬井蕭條廨宇傾圯有餘慨焉民之不獲良有  
司久矣丙申冬先生始來縮縣符興廢墜恤貧窮植風  
節重簡素惓惓以禮義廉耻自防且以防吾民也政行  
而教寓焉予應之曰唯唯因謂陸君曰君亦聞虛樓先  
生教吾學乎先是己丑春二月先生格于禮部也乃以  
母命來署吾縣學諭事至則立章程嚴矩範崇俊良治  
頑梗惓惓以禮義廉耻自防且以防吾士也教行而政  
寓焉若先生者其真政教兼舉始終一節者乎先生名

東山爲祥符望族儀度閒雅言行不苟善賞鑒工辭藻  
君素知者是以隨所施輒效足以取名當道屢薦之不  
及再試禮部輒遷邯鄲令未履任以母夫人憂馳去今  
宰各縣綽有治聲指日擢臺諫掌樞要又將有大敷施  
以贊詡

皇猷以福庇蒸庶建偉績垂榮名以及于無窮將不自  
善二縣發軔乎陸君亦應之曰唯唯陸君名玠爲饒陽  
鉅族富而好禮予素嘉之今頌先生之賢言無溢美俱  
與予聞合因次第其言爲序酒三行相與拜於廬溝之  
上徘徊移晷而別

陝西鄉試錄後序

嘉靖壬子秋八月陝西鄉試錄成既取士如式刻其文以獻行且進多士歌鹿鳴而賓興之也某以職事當序諸後然誓戒諸司與期待多士御史姚一元某官某業已諄復於前尚何言哉伏以我朝開科取士凡爲治化計也惟多士之文星稠綺合信云美矣固道之華行之飾也寧無華實不副本末相遠者乎爾多士雍產也有周之故墟文武之遺化在焉不可泯也當時取賢歛才之法或以德進或以事舉或以言揚如王制之所載可考而知又必限年四十而始登仕故士生其時皆脩道德習仁義敦孝悌立忠貞以須獻書久之誠僞安勉皆底於成故出而爲用懋樹勳庸一時治化如迂衡

假樂比隆唐虞有由然也茲特以言而已其能贊翊昌運以副我

聖天子側席之盛心否乎爰稽我皇祖首詔作成之意

列聖累世培養之厚暨我

聖天子尤篤意賢才屢詔所司選師儒飾行業責士以有本之學賢公卿大夫又從而奉宣於下造士之法可謂視周加隆脫有棄本逐末向華背實者叅於茲選其責蓋不能獨辭矣况爾多士涵濡

聖化且與賢科可但曰發言抗論窮理盡微而已乎譬之山川雍有太華大河彼交錯糾紛者山之文也渾渤

沕涵者川之文也非不悅目快心至其節宣二氣膏澤  
萬物以贊天地之化育文不與焉况夫鉛槧雕鏤之末  
真與霄壤俱敝者乎爾多士其尚以行業自勗贊治  
化於熙洽垂榮名於悠久卓然為科目光斯稱  
聖天子網羅賢才至意某等亦與有光矣不尤美乎是  
為序

固安縣志前序

吾縣歷世以來不知何故因循至今曾未有為之志者  
嘉靖甲子夏敬亭何侯來知縣事乃諭於衆曰昔樊穆  
仲之稱魯孝公曰賦事行刑必問于遺訓而咨于故實  
不干所問不犯所咨宣王是以命諸夷宮若弗咨弗問

而任已見則謬矣咨且問焉而行自犯之其與能幾何  
昔之君子不敢自用而動必師古如此今當稽考者甚  
多而無縣志可據故以稱文獻之邦邪此有司之責也  
遂慨然欲創為之諒且三簿張弘業典史葛漢教諭  
俞天衢訓導張祥心徐炫請於太史氏方城楊公公已  
允諾矣未幾以病自辭復請于予予曰予何人也而敢  
當此任哉昔江淹有曰脩史之難無出于志陳壽號善  
敘述李延壽稱究悉舊事而所著二史獨于志略焉誠  
以憲章所繫不可得而易也予何人也而敢當此任哉  
况一縣之事散見于數千百載之間而雜述于野史小  
說誠非一人聰明所能悉也且予素乏三長又老病侵

尋不欲殫竭心力豈能搜羅摭會萃無遺而成全志哉懇辭河侯請益堅乃止纂輯舊所聞見未再閱月謾爾成帙三十有其闕略文其樸陋不能不望于後之博雅君子一日侯名未處字善夫嘉靖己未進士蒞任未久百廢俱興志其一事也是役也兒輩大生性生有生頗有考索之勞其畫圖作字性生尤勤因併及之

固安縣志後序代作

予嘉靖己未春登第得授晉壺關令再歷寒暑遭外艱東歸服闋甲子夏補任固安以縣志未脩欲創為之值初視篆政事紛糾未遑也迨冬始請于太史氏方城揚公公以病目辭越明年乙丑夏繼請于大中丞寒村蘇

公公鑿躬獲及藁具持以語予曰是藁也雖未再閱月而成然予自為諸生逮入仕途餘四十年或得于聞見或得于考索凡有涉于吾縣事蹟皆手自抄錄積今殆且數十萬言故易于纂輯如此猶恐罕見未廣考索未詳其能免于鼯鼠必對之辯竹書落簡之謬哉所可自信者但未陰採拾遺以裁人之短長妄加詆羨以徇己之愛憎爾予披閱至再知公之言為然且辭無溢美事不背實簡要明備足可傳遠遂命工鈔梓藏諸堯庫使後之宦游于斯與生長于斯者取其所當法勉其所未至庶副予脩志之初意云維時僚案張少尹弘業葛幕史漢屢申前請法得附書

記

鄱陽湖圖記

寰宇大澤二曰洞庭曰彭蠡彭蠡即鄱陽湖也兩湖並列雄據吳楚鄱陽雖差小延袤亦數百里吞吐百川浮沉日月猶夫洞庭也方其霜降水落涯涘具存過者不獨狎水亦不虞盜惟夫雪消雨積而巨浸滔天始如蹈淵海矣然人畏盜之心尤甚於畏水蓋盜駕輕舟韜利刃隱蔽于荻蘆洲渚之間乘時而發迅如飛鳥至則人無遺貨又或殺人掠婦女以去及邏卒徐來彼業已變形逃遁矣水雖險能樹長帆操巨艦人水相得終以力勝惟盜爲難禦故人不畏水而畏盜者以此吾同郡李

君東涯嘗督兵巡湖三年湖平或曰東涯燕人也不習水戰雖多藝文視其貌如儒生湖何以平予曰將之道五智爲上勇次之吾聞東涯之巡湖也命工繪湖之形勝凡諸水道曲折溝港夷險無不究竟其詳復取古水戰水攻之法與士卒講而習之間又密遣人伺盜之動靜以智禽斬者歲常若干人盜莫測邏卒所自來故恐而不敢犯湖之平豈偶然哉况東涯勇力絕人尤善騎射抑亦可以躍馬邊陲折衝萬里以靖朔漠之狂虜邪不獨智而已也或者以予言爲然復質于予曰人性畏死盜被俘不得復生豈其情哉况衣食不給政賦不均固有驅之而爲盜者邀功樂殺則病夫仁給之使來掩



而禽之則病夫信不戢士卒遂繫無辜則病夫豈有是三者則智必鑿勇必暴又何貴哉反是則為將之道全平湖亦餘事焉爾矣予亦以或者之言為然因相與颺言曰東涯不以為然乎東涯名時通州人嘉靖丙申春以監司論薦其功授都指揮僉事節鎮江西圖具左可一覽而盡法得畧云

### 枹罕園記

隴西臨洮屬州曰河故名枹罕謂枹鼓罕少也嘉靖丁未夏予以潼關兵備副使奪三秩謫知是州追論嘗為宣府分守叅議督餉不力也抵任循舊菜則取給私園恐煩民越戊申春即捐俸買遺址於州治之後長三十

丈濶二十七丈有奇繚以崇垣屯以重棘畫畦種菜引水灌畦蓋欲官不可無此味而民不可有此色也又以州乏瓜瓞粳稻乃傭老圃於蘭俾樹藝之及諸物成熟分饋賓客僚家吏胥輿皂鰥寡茲亦養道也西向為門一間除道而東至中央折而轉北夾道雜植花卉以水護之水窮則為島塢撤舊材構堂三間扁曰仕優讀書其中以資仕也少却則覆版築土構齋亦三間扁曰吏隱齋中器具極寒素一以養福一以矯俗也堂前種竹二叢頗有拂雲之勢兩傍種菊各三徑形色相間花時如纈錦然雖義無所取并編籬以防蹂躪示加重於俗品也齋傍構亭者二各一間東扁曰歲寒環植松栢喻

堅節操也西扁曰莫景環植桑榆喻鑒止足也亭傍東  
扁曰杏園環植杏而前植桃李喻廣化育也西扁曰薇  
省環植薇而前植槐棘喻厚期望也又東扁曰梨花院  
落環植梨以延月喻輝光明也又西扁曰柳絮池塘環  
植柳以受風喻播和煦也亭以下但標識位置亦恐煩  
民不欲成也政暇登堂徜徉理詠音調足以陶性靈發  
幽思又或仰窺俯瞰則雪山掩映原隰鬱茂斯時也心  
目俱豁情味俱適聊以所知以答弟子員之請益茲亦  
教道也予雖流離轉徙尚有師帥之責庸詎無所事事  
邪若夫花卉蒼蔚泉鳥鳴嗽娛目悅耳斯園之末也園  
成名之曰枹罕欲與斯民同享太平之盛而不知流離  
實斯園之遭也

葬希夷先生紀略

希夷先生姓陳氏諱搏字圖南亳州真源縣人五六歲  
時嘗戲渦水傍有青衣媪乳之自是聰明日進讀經史  
百家之言過目輒成誦後唐長興中舉進士不仕遊四  
方有大志聞宋藝祖受禪遂隱居武當山九室巖辟穀  
鍊氣者餘廿年建隆二年擇勝至西嶽下葺唐雲臺觀  
居之多閉門獨臥百餘日不起端拱三年又於嶽麓建

玉泉院山孫亭鑿石室居之太宗嘗召見嘉其言切治  
道賜號希夷先生皇祐二年夏令其徒賈德昇於張超  
谷復鑿石室成大笑謂群徒曰巉巖太華氣清景秀吾  
之所歸秋七月廿九日令德昇輩各就寢曙則以左手  
支頤而歿相傳涉世幾二百歲不知何年何人更谷名  
為希夷峽傍建祠塑像歷世道士主祀事每出體骨  
向人乞施予嘉靖癸丑春三月三日巡按侍御長興姚  
畫溪一元蒞陝西垂三年得代乃携副按察使定州張  
風泉渙仁和張元洲瀚與予謁獄廟至峽道士復出體  
骨見向與凡骨同畫溪意欲葬之予從傍贊曰掩骼埋  
胔仁政一端况先賢遺骸乎是夜夢先生謂予曰吾所

必戴獄而履河盍圖之翼日畫溪移牒於予屬葬事  
必得石鄴且屬紀其事略予與二使君殫心竭力共圖  
厥成又畫石下地自朝元洞迤邐而東得先生雲臥之  
所即三石室也室中石像偃臥宛如夢中所云又稍北  
數步有石室一室列佳木後擁巨石左環古栢右繞清泉  
正與石室相對且南仰喬嶽北俯大河其間城市  
村莊皆在石室之數櫛比鱗次者無限真善地也但虞石如  
此為難及施畚鍤而不日訖工其內得一遺鋤  
虞榘者約其廣濶正容一櫛又虞石櫛未易辨謀之  
匠氏匠氏曰曩為兒時見洞西有礮石一函在土壤中  
為水所齧而出但失其蓋眾方求之偶度院前小溪架

而為梁者合之即是此皆天造地設鬼擢神揮亦異矣哉是月廿七日華陰丞受牒以衣衾棺槨遷葬於此縣士大夫如趙太守儒楊封君盡忠輩數千人咸致樽俎時久旱儵爾雷雨大至或以為先生之妥其靈也予曰葬先生者禮也他非所知即先生神遊象外當視其形如蟬蛻今夫蟬蛻者嘒嘒過遺蛻而不顧先生乃顧之乎世謂不朽者三立言其一也今觀先生之著述荅問炳如日星斯其所以為不朽也乃若以天地為籟條古今為瞬息御剛風乘勁翮超軼乎埃壙之外周旋於冲漠之中仰觀六合俯瞰八荒如列僊傳所云終歸漸盡而况於形乎此殊不足以知先生至謂善人倫風鑒又

賜金園記

賜金園皆

知之淺者善乎种放氏得其緒論謂其學明皇帝王之道邵雍氏得其真傳謂其人可比漢之四皓皆知先生之深者非與自昔癸丑至今乙卯予遷遼海拊循已二年而紀略始成因詳及先生之始末云

上賜金所置園也予自嘉靖壬辰春登第至戊午夏解職歷年二十有七自縣令至拊循歷任一十有六間嘗以微勞蒙

恩加俸增秩賞幣賜貂嘉靖己亥冬扈駕謁恩賜百官煖耳在叙遷之外者蓋亦屢矣又蒙特

賜白金爲次一十有三爲兩二百一十有五

恩至渥矣因念猥淺無能濫叨大臣之列每欲策礪驚  
鈍以圖報塞其如意往而力不逮何適連歲遼海兵馬  
盡調入 衛虜乘虛屢犯言者論劾復蒙

聖明許令歸田

恩至渥矣乃以

上所賜金易地一區縱七丈橫十二丈即巡院行臺前  
予所置舊址也行臺通衢原在縣學正東故正德中廬  
侍御雍循此開衢直抵東城人甚便之繼而有欲市地  
以拓門屏者別由牛市而東又由委巷而北始達行臺  
不惟僻陋抑且紆迴一遇霖雨行者苦艱邇來臺前積

水成池并其堂室盡傾頽矣嘉靖丙辰秋吳拊循嘉會  
欲仍舊貫檄縣相度遂量移堂室于後而門而屏次第  
脩葺規模整肅視昔有加焉乃還前址于主取其直以  
給工費予以比鄰皆敝廬乃捐

賜金贖得之又運土數千車填實其中并廬後隙地通  
創爲園務尚野逸以示儉朴園成南向爲門一間扁曰  
賜金蓋彰

君之賜而不敢隱也稍北爲堂三間頗尚華美以表尊

崇福曰

湛恩上懸

誥勅賞賚遷除次數以昭 榮寵蓋感

君之恩而不敢忘也又念予放逐潦倒徒警屢指移期  
銜結而已惟遇

朝廷喜慶於此瞻拜

闕庭虔祝

聖壽庶少聲犬馬之微忱也至若抱甕以灌畦種藥以  
已疾食澹以養福習靜以引年又若與賓客過從觴咏  
歌誦太平優游

聖世以盡餘生抑何者而非

聖恩之所及哉感而致祝曷能自己吾子若孫尚相與  
敬守斯園世世感

恩世世祝

壽以續吾無窮之感無窮之祝可也因書以為記

重修尊經閣記

嘉靖甲子秋何侯永慶重修尊經閣成學諭俞天衢司  
訓張舜心徐炫諸生楊文禎王文炳張思元楊文祿等  
請予為記按閣本金國涿州固安縣護國仁王佛閣正  
隆間縣宰張定遠建承安初權固安事武畧將軍行涿  
州新城縣丞飛騎尉兼管常平倉李成彥重修自為記  
有所謂璧璫玉瑱極雕刻之工藻井雲楣窮締構之巧  
者固傑閣也。國朝正德丙寅劉侯湜以釋氏不宜邇  
學宮遂割入為訓導宅嘉靖己丑楊學諭東山改為尊  
經閣自篆三字題其額歲久欄檻摧壞繪飾剥落何侯

寒村集  
來知吾縣首謁先聖廟見之廼令復加修治甫三旬而  
工告訖重檐翬飛丹碧炳煥因其舊仍名曰尊經閣予  
以閣之所藏不獨六經諸子百家皆在焉惟曰尊經者  
以經爲重也侯之意豈不欲學者必知所重邪且今  
上加惠斯文置考課守令之法其一曰興學校侯能仰  
體 朝廷良法美意而重修此閣可謂知所先務矣夫  
六經之道炳如日月大明于天下茲不復讚揚姑即諸  
儒之所以序經者言之孔安國程頤之于易孔穎達蔡  
沈之于書卜子夏孔穎達朱熹之于詩孔穎達杜預何  
休范甯程頤胡安國之于春秋孔穎達陳澔之于禮記  
皆義理詳備學者可據爲入道之階梯踐履之門戶况  
共城邵子曰六經配夫春夏秋冬宜其非諸子百家所  
可比而同之也謂之尊者恭敬奉持夙夜匪懈易曰無  
有師保如臨父母夫如是則來學於斯者寧不知其所  
可重而尊之哉雖然豈徒尊之而已觀其文以味其言  
得其言以原其道庶幾無負侯重修之意焉爾

寒村集卷第四

固安寒村蘇志臯德明存藁

墓誌銘

明故廖孺人楊氏墓誌銘

按狀孺人姓楊氏長沙茶陵衛楊翁某之長女生十有三歲予同年東雪廖子希顏爲弟子員時以父蘭室翁命納采聘之越四年即執婦道纔三閱月而蘭室翁告逝矣遺繼母孔夫人二小弱弟暨僮僕十餘人且家日益貧孺人雖少能力替其夫不爲貧所困歷三年喪歲時祭享皆不匱及服闋廖子應舉楚省泛湘江涉洞庭往來資費皆以織紉供給雖極勞苦頓踣無怨



博嘗堂試諸生廖子友數人咸至自鄉欲飲食之自以不能備遂歉然挾楮賴以去終留念也無何家僮午餉甚豐美廖子莫知所出歸詰之不荅厥明見以縑裹髻復詰之乃曰向所爲飲食者蓋脫簪以易之也嘉靖辛卯秋廖子被鄉薦明年壬辰春登第夏授高安令迎母夫人赴官孺人隨侍間察案有邀廖子夜飲者即微諷之甲午夏高安大旱禱弗應廖子憂孺人亦憂曰向夫子北上時吾茶陵大旱郡大夫禱甚虔果雨今若此必不虔爲民父母忍不虔乎廖子始已虔得孺人言益虔後竟得雨廖子喜孺人亦喜先是孺人以產遘疾尚力疾主中饋時誠其夫曰無以妾故而生憤恚恐遷怒於

民民奚以堪逮秋七月病少瘥即飾以謝母夫人并其夫闔門喜甚不知爲求訣也翼日疾復作遂奄然而逝孺人性孝敬備一衣食必先以奉母事夫貞順御下慈惠門閭內外整然不亂又其嚴毅也孺人生於正德己巳秋九月二十有五日戌時卒於嘉靖甲午秋七月十有五日未時壽不逮德抑又無後惜哉是年冬將歸葬於茶陵之茶鄉廖子以予爲同年且雅相善自狀其行請予銘之銘曰

衡山之麓湘江之湄有草萋萋有塚纍纍溫靜之德光昭重泉崇德之典有命自天服之無斃千萬斯年

明故 勅封文林郎四川道監察御史齊公墓誌

銘

公姓齊氏諱有字進之別號間溪以仲子貴封文林郎  
四川道監察御史其先本山東日照人世系莫詳  
國初抽羨丁實遼東大父諱參者携大母林氏來成廣  
寧生父斌醇篤業農至不辨權度母吳氏勤於薪水織  
紉以助於內晚生公性和易警敏因令就學日記數百  
言駸駸向成以貧遂廢屢傭書於官凡辦公務殫厥心  
力如處家事然無尊卑咸以謹畏稱事二親至孝聞母  
病即跟偃走侍飪藥或襪履願以身代沒則歲時蒸禴  
必隕涕又廣孝以及母族養舅氏如母撫弟能不相尤  
瘡每共飲食同好惡他出必倚門而待妹氏適高總旗

俊屢餽饋以贍貧乏卒則助其棺衾配其子女又廣  
悌以及鄉者濟困周急不以貧沮育諸子素雖鍾愛而  
常教以義方復延明師以迪厥成故嘉靖甲午秋伯仲  
二子同舉於京闈戊戌春仲子復舉於春官乃貽書伯  
子曰汝便道赴青齊展拜松楸以崇孝思又貽書仲子  
曰盡忠報國無玷官箴仍擬遼東四事以資建白一曰  
復歲輸二曰嚴烽堠三曰覈馬政四曰明賞功累數百  
言皆切利害詳在仲子疏中又廣其慈卹幼字微無間  
䟽戚嘗值樂歲置尊甌聚富室為壽曰里中少年游惰  
空乏則禮義將安從生吾輩盍為代耕則渠自力於畎  
畝矣賴以成立者頗衆公居常茹辛食澹絲累籽息稍

致饒裕僮僕司幹當者或肆蠹蟲以迷人勸之追則曰  
彼慕父母而去奚以追爲及還復待如春酒姬煦不少  
訶譴他如比鄰欲構屋三楹基歉於材則讓基以足之  
又故友之妾寡而乏嗣積有餘貲懼夫猶子攘奪舉厝  
公家不爲受有稱貸者納質劑或甦產以償亦不爲受  
人多德之丙辰春公念仲子拊循雲中日異其歸及歸  
喜甚迎而謂曰即瞑目無憾矣不閱月忽疾作逮三月  
十有五日止冠端坐終於正寢屬纊初猶訓誡子孫僮  
僕如平時距生成化壬辰正月十有九日享年八十有  
五配陳氏封孺人夙著賢行實贊公志子男四長宗賢  
即伯子舉人雅飭文行娶司義女次宗道即仲子都御

史娶耿理女封孺人次宗睿嘗業儒繼爲鴻臚寺冠帶  
通事娶李銘女次宗哲以材武陞試百戶娶劉琮女孫  
男十一人長名庠生娶劉知州德芳女次召國子生娶  
都御史傅公鑰孫女繼娶臧文錦女次可娶安主事永  
清女次啓聘庠生蘇良棟女次祜聘千戶高天祐女次  
周聘庠生路高攀女次喬聘孫璋女次言聘何泰女次  
台聘國子生張鉞女餘俱幼孫女十人長適指揮王世  
勳次適庠生張元次許適庠生林旂次適庠生馬繼志  
次適指揮葉鳳儀長男滋次許適都指揮陳守節次男  
韜次許適指揮李振武長男世蕃次許適千戶賈珍長  
男佩次許適指揮郭夢吉次許適指揮韓輔長男魏將

以次年春二月六日祔葬于祖塋之次都憲君手狀行  
實踵予行臺請銘按狀公行近仁壽而有後宜哉且公  
之存也華髮繡衣親見仲子敷歷中外致位三品聲績  
赫奕方隆未艾又親見諸子若孫衣冠濟濟桂芳蘭茁  
歿也聞者興嗟吊者灑淚亦庶幾乎生榮死哀者矣予  
既重公之行又重都憲君之請乃爲之銘銘曰 於維  
封君天性近仁曰孝悌慈培本禔身仁者必壽亦復有  
後聖經賢傳斯言非謬北鎮萃律東海汪洋高塚纍纍  
山水之陽新壙抽陰玄堂寢日華表千年永協于吉

皇明誥贈右叅議顯考蘇公 封太恭人顯妣宋  
氏合葬墓誌銘

予顯考姓蘇氏諱子良字秉善自號湖坡其先隆慶州  
人 國初徙固安遂爲縣人相傳累世殷富至中葉而  
衰予高祖考諱貴配高祖妣焦氏生予曾祖考諱郁配  
曾祖妣鄭氏戶部主事逢陽舉人逢時族祖姑也生予  
祖考諱倫配祖妣郭氏生予顯考少巧慧從江西老儒  
習句讀知孝敬通書畫及長力田服賈家道漸振亟命  
予從師業儒爲弟子員雖所甚愛終不假以辭色及聞  
親戚楊公維聰童稱許乃解頰曰吾先世有爲郡倅者  
汝能繼之可以自吾宗矣正德中欲入資爲散官都人  
以僞劄入官事覺雖得白而囊則竭矣又值歲歉因病  
廢食已屬羸族人謂予少孤恐不能卒業猶厲聲曰渠

自能成立不煩爾慮也予泣以授徒啓請可否復唾予  
面曰丈夫當立身揚名奚以學究爲哉徐引予手以指  
書曰棺用薄蓋惜其貧也湏臾遂卒時正德十四年四  
月十六日巳時距生成化九年七月六日酉時得年僅  
四十有七嗚呼痛哉後以

朝廷推恩贈如予官承德郎刑部江西清吏司主事

勅曰孝友儉勤忠信原慤繼以予考績加 贈朝議大  
夫山西布政使司右叅議

制曰孝友著于家庭敬讓孚于鄉曲皆紀實也先是配  
予顯妣宋氏生不肖性質頗異予外祖考諱欽嘗爲縣  
學生員有識鑒數語予外祖妣劉氏曰吾是女必以子

責盡識之及予甫成童顯妣即贊顯考令讀書供給不  
匱少懈則勉勵尤切逮予嘉靖十年鄉試中式第三名  
明年舉進士入官每教以仁恕廉節初 封太安人  
勅曰克秉異德能濟乾剛愛而知勞遂成令子加 封  
太恭人

制曰柔嘉貞順祀饋恪修謀子成名克終夫志亦皆紀  
實也翟冠象服享榮養者三十餘年嘉靖四十五年正  
月十四日子時卒距生成化十七年七月九日酉時壽  
八十有六性孝慈好施與飲食衣服每每分給親故無  
所吝惜予每助給之又雅敬鬼神持齋誦經縣幡製袍  
栽樹脩祠者不知凡幾予嘗幾諫不以屑意當必別有

所見也臨卒祗以微疾奄然長逝如假寐然無亦積善之報邪子男一即志臯仕至都察院右副都御史陞從二品俸娶溫氏大寧中衛正千戶雄族孫女也 封安人加 封恭人女二長適崔榮次適李明孫男六長大生恩生娶兵部右侍郎深州尹君嗣忠長女繼劉氏次廣生早卒次性生監生娶歲貢生楊君文禎第二女次有生儒官娶山西行太僕寺卿大興榮君愷第六女次林生次睿生俱業儒林生娶進士張君燾第二女睿生娶山東右叅議新城崔君莪第三女孫女三俱適生員長鄭宗禮次知縣王公鴻曾孫世治次御史李公鸞曾孫時熙曾孫男二二在性生子亦俱業儒仕女王生員

允中長女任聘李生員樞長女十本年二月二十八日合葬于顯考墓次以河決淤塞靡常故倣古同墳異藏尤湏銘以誌之追惟罔極之恩攀號莫及尚忍銘哉荒迷失次勉強勒石銘曰

豐樂門外維西南方相距里許華表軒昂嗟予考妣同墳異藏千秋萬祀清德流光

明 吏部觀政進士張君墓誌銘

君諱燾字子行其先隆慶州人六世祖士禮入居庸占籍固安其後族屬蕃衍登科第入仕籍為縣學生者餘二十人遂為望族焉高祖翼縣學生曾祖拱醫學訓科祖宗武縣學生累舉不第壽至耄而終父瀛縣學生篤

志勵行以掄選入胄監授主簿陽縣簿政不煩苛民甚  
宜之母高氏治內嚴整右副都御史澄之族姑也君生  
而穎異齠髻時日記數百言且善屬對偶伯祖武昌通  
判宗德每于賓筵面試應答如響大為縣侯長洲李公  
松輩所器重謂張氏積德宜篤生是子也弱冠補弟子  
員未幾隨侍溧陽溧陽令姜君博者辛丑進士也君從  
而受學博見其文輒歎賞曰簿有子若此其成也孰禦  
自是督學憲臣每校文輒居首選嘉靖己酉秋舉於鄉  
已未夏母歿喪葬如禮事繼母魯孝敬一如所生乙丑  
春登進士第觀吏部驗封司政事益練達故事部疏取  
聖裁得旨者日輪進士一人恭捧以出君每捧疏謹

不替歲時陪祀

陵寢請為大事必齋沐乃行君別號敬所為不媿矣居  
常叅決可不為壽畫事務每出人意表族子戶部郎中允  
濟時有訟誣必以理為斷或與一二同志樽俎間談及  
戎務區畫咸當僉曰君異日勛業詎可量哉丙寅冬進  
士皆授官去君獨捧疏無虛日十月十有九日凌晨趨  
朝天奇寒途次疾作墜馬目瞑噤不能語猶正冠曳履  
如恐失儀然昇歸邸舍療治百方不効尚吐氣如虹發  
聲若雷雖了不可辨似恨其忠孝未殫經濟未施而齋  
志以歿也次日未時遂絕距生正德戊寅十月十有八  
日迨今十月二十日得年僅四十有九於戲哀哉配王

氏 景陵衛百戶鶴孫女子男三長尚朴縣學生娶西  
安通判劉公傑曾孫女次尚格娶大同知府段君鍊第  
二女次尚檢聘絳縣知縣牛君應龍第四女女四長適  
歲貢監生段君欽長子縣學生雲鶚次適予第六子林  
生次適舉人鄭君逢時第三子國實俱業儒次尚幼孫  
男一曾胤尚朴子將十一月二十有八日葬君於城  
西新阡其族兄平涼知府佳第暨再從兄縣學生炳持  
臨江知府張君承敘所述狀請予銘其墓三與君兒女  
婚媾尚忍銘哉既而投淚曰君博覽疆記善辭翰負才  
慷慨有志節且性剛直容貌言論毅然不可犯又立身  
揚名以顯父母丈夫能事蓋亦畢矣但天不假年未究

厥施無亦造物者靳惜靈秀不欲掀揭於世邪抑或正  
氣蓬勃充塞宇宙當與天壤俱敝不但屬之胤嗣而已  
也若君者雖未壽期願躋通顯世不可無傳乃不揣荒  
陋而為之銘銘曰

君之行節也孝友睦婣剛介端方君之才力也負艱任  
重猷壯策長君之威儀也褒衣博帶雅飭矜莊君之辭  
翰也銀鈎鐵畫繪句締章君之似續也宏材淑德玉茁  
蘭芳君之菀結也天長地久抑志埋光君之遨遊也颺  
車羽蓋洪覆大荒君之宅兆也茂林沃壤閔室玄堂君  
之誌銘也信今傳後愈遠彌彰

明勅封戶部福建司主事王公墓誌銘



按狀公姓王氏諱珥字國瑞別號琅邪山人其先順天府大城縣人五世祖思忠徙居河間府寧津縣遂為寧津人思忠生福茂福茂生簡任直隸上海縣丞父且有令聞簡生憲為一鄉善人憲生錦任山東齊河縣學訓導歷九年人士至今稱之錦生子男五人公最少而孤獨與母某氏同爨貧不能投師奮然以古先哲為法見其嘉言善行輒書諸壁久而不替也又苦志不避寒暑即不溫飽不以屑意讀書務解大意不泥訓詁總角時學即垂成及為諸生大有聲譽督學憲臣每試輒加稱賞且屬厚望焉縣侯雲夢熊公某名進士也尤敬重之竟累舉不第卒業成均得友天下之善士益砥礪行節

非其義也一介不取一事不為又恒自點檢身心必可對人言者而後為之也居然為一鄉之善士矣及銓授陝西都司都事蓋閑官也公欲不往宗族強之行至僅兩閱月歎曰仕所以行志也志不行奚以仕為况食浮于事吾心弗安遂乞歸諸當道留之甚切不顧也嘉靖甲子以家嗣君貴封戶部福建司主事亦可償其夙願矣公事母三十年衣食甚豐而自奉則甚歉也及歿哀毀踰禮雖不克厚葬而喪具俱備構屋于墓後蔬圃讀書其中如廬墓然其孝有如此者處兄弟敬且和遇族人無疏戚有貧乏者輒庇之其弟有如此者教諸子甚嚴無敢有私蔽異爨者而義方之教又諄切不已故

家嗣君嘉靖丙午領鄉書明年登進士第皆過庭之訓所致也愛而知勞其慈有如此者其于里閭之人和而不群有善即稱之有不善即絕之一如待己之子弟弗悛弗已也故人無少長咸敬憚之其處鄉有如此者居常儉素每筵客設具必豐潔又惡苟且自飲食起居以至器物安置各有常度迨疾革猶然其居家有如此者性嗜讀書年踰古稀手不釋卷且耽詩著作頗富已刻有西遊隨筆覽陟雜興琅邪翁小集又時歌詠以適性靈著有琅邪樂府性雖愛飲微醺即止獨喜澹薄靜定讀書課子之外惟種藥畜鶴以怡心目一涉靡囂即弗然不悅河東王公與於非謂其有淵明之風非溢美也

家嗣君自主事歷陞本部郎中山西平陽府知府山東按察司副使兵備霸州公皆貽書教之暨家嗣君解官歸公但曰汝居官皆無忝官箴茲特以直驚招尤爾了無纖毫介意其樂天知命又如此者此皆公之大凡也其詳不能殫述配張氏婦儀母則咸可取法雖本慈順要之刑于之化有不可泯者亦以子貴 封太安人子男五人長良貴即家嗣君娶錦衣百戶潘侯元第幾女封安人次良材典儀官娶白氏次良士生員娶段氏早卒次良器生員娶于氏次良史早卒女四人長適省祭官郭杲次適監生孟希醇次適監生劉可行次適按察使具州馮公時雨第三子儒士中養孫男七人長承易

娶楊氏次承書監生娶知縣尚君四津第幾女次承祖  
次承禮聘御史故城陳君桂第幾女早卒次承芳聘進  
士張君一通第幾女次承詩次某名女六人長適主簿  
楊君一蘭第二子生員惟淳次許聘審理尚君四潤長  
子友伊次許聘都御史海豐谷公中虛第二子承胤餘  
與曾孫男一俱幼公生于弘治九年二月十七日戌時  
卒于隆慶元年九月十九日丑時得年七十有二於戲  
仁者必壽信哉卜以次年三月某日葬公于南垌之新  
阡冢嗣君自狀行實求予銘其墓予昔經畧鴈門諸關  
暨拊循遼海冢嗣君適兩理邊餉食足兵強旣已託庇  
及縮兵鑰予復託保障其可以不文辭乃為之銘銘曰

東海西峙太行中有沃壤王公所藏所藏維何潛  
德幽光宅兆安妥子孫榮昌千秋萬禩不替蒸嘗  
解

寒村解

嘉靖己丑冬十有二月有客染陽闐之習塵飮羶葷之  
厚味衣狐貉之輕裘居高邃之麗宇久而厭之語其僕  
曰聞百里許有所謂寒村者其風景幽野其  
門巷蕭條可以滌煩襟可以却世慮曷往訪之其僕欣  
然相從攜焦尾琴負古錦囊布袍草履晨起戒裝于時  
黃鍾應候萬象歸藏朔吹嚴凝初日滄涼凜乎其不可  
當也僕曰寒村之寒如此乎客曰想當然爾頃之陰雲

翳空寒雪墮塗風勁日慘烏獸嗚呼益凜乎其不可當也僕曰寒村之寒如此乎客曰相當然爾及其入拱極之崇門轉澄清之綽楔瞻望衡門冰霜隙地夕炊乏煙柴關書闈客語其僕曰此得無寒村邪問之果然排戶而入寒氣逼人歷賢已之軒奕基登鑿賀之亭戒好譏主人熟聞而始出也敝冠無纓破屐無齒束腰無帶緼袍無帛客主相視噤不能語主人肅客共坐蒲團煮藜藿之粥汲清冷之泉烹雲脚之茗藝鵲尾之煙飲食既輟主人氣舒手和倒囊出琴鼓陽春之雅曲談上古之玄言客曰主人之寒如村村之寒如水無亦不堪乎主人曰陽氣動躍化而委隨火之熱也鮮不向之其始也

今人目赤面赭其繼也令人焦頭爛額下灼腎腸上連肝膈孰與寒乎孰與寒乎不有冬寒曷有春溫順時保音庶延其生僕喜而笑客喜而歌主人倚歌彈琴彼已洽和蓋不知其寒之為寒也

說

北岡說

秋官尚書郎燕人范大夫箕葬其先大父而下於都城之北其地龍砂蜿蜒勢如山岡因自號曰北岡一以廣孝一以寄志始未有為之說者秋官上士同郡蘇子曰北伏也岡山脊也大夫取以為號無亦不背本乎夫二氣網緼始而伏伏極而洩也斡旋地軸凝結成山其脉

絡牽制皆自北而走南故崑崙最高廣又當北極之樞  
其次若恒若華若岱若衡又其次若天台若鴈蕩若匡  
廬若武夷雖各雄峙方輿而廻旋環抱之意不限江河  
以孔穴相通不能背也大夫之號其殆達此義乎所謂  
一以廣孝非與蘇子曰夫山含澤布氣以調五神以育  
群物有似夫仁人志士故曰宣也產也而岡寔與焉大  
夫以才進士歷典名郡縣其功用頗同今其志尚未但  
已所謂一以寄志非與蘇子曰北陰也刑亦陰也氣之  
始為核也激盪而峭拔蓬勃而頽墮惟岡為得中用刑  
而以中固亦北岡之餘義也大夫為刑官復為廣其說  
如此

跋畫跋別  
為一集

### 跋牧民忠告後

近士大夫相贈答多以書復以古文字板本為佳至搜  
羅秦漢模擬篆隸無已也予嘉靖壬辰夏六月得授瀏  
陽令謂此書言近用實可以傳也乃刻之不獨取以自  
勉且以忠告世之牧民者不知貴遠賤近向聲背實者  
殆將以為如何

### 跋館人塗壁後

嘉靖庚戌冬予為整飭山西鴈門等關兵備副使適  
偶于忻州南郵亭中邂逅一故人因書長相忍一閱于  
壁次年辛亥春予陞陝西左叅政之任館人惡其汚壁

也以聖塗其上越二年癸丑夏予復陞山西按察使館人懼甚自以已意模寫宇上風神氣骨十失八九亦可笑也予今又陞遼東巡撫都御史將之任矣安知館人不復以聖塗其上邪於戲屈伸幻化天壤且然而況于此乎不足較也

駁

駁王介甫為諸生時作

唐李賀鴈門太守行曰黑雲壓城城欲摧甲光向日金鱗開角聲滿天秋色裏塞上燕脂凝夜紫半捲紅旗臨易水霜重鼓聲寒不起報君黃金臺上意提携玉龍為君死宋王安石謂其言不相副方黑雲如此安得耀日

之甲光也予以詩貴景真詎知其時非黑雲壓城而甲光為旁日所射邪嘗記一聯云東邊日出西邊雨道是無晴還有晴足為長吉解嘲矣

駁謝疊山

唐劉禹錫楊柳枝詞云煬帝行宮汴水濱數枝殘柳不勝春晚來風起花如雪飛入宮牆不見人宋謝枋得解曰煬帝荒淫不君國亡身喪行宮外殘柳數株枝條柔弱如不勝春風之搖蕩柳花如雪飛入宮牆似若羞見時人者隋之臣子仕唐曾不曰國亡主滅分任其咎陽陽然無羞惡心觀柳花亦可愧矣予按疊山此解足以示戒後世忘君事讎者竊恐夢得末句之意不如是之

委曲也若謂向煬帝遊幸時柳花飛入宮墻即見嬪嬙  
駢集今國亡宮廢柳花尚爾飛入宮牆祗見荒苔斷莽  
無復人跡亦可悲也然此亦足為後世荒淫者之戒  
拾遺

四言

題自畫吾祖母郭小像為諸生時作

維祖母壽八十有四仰瞻德容永言孝思

自慰歸田時作

重惟薄劣義荷 恩庥諸福駢集更復何求對花飲酒  
望月登樓聞喜勿喜聞憂勿憂攝生安命度此春秋  
書枹罕集後

予謫守河州踰年蕃漢頗寧簿書日益稀少乃稍稍拈  
弄筆研雜詠得句如曰風急秋容澹高槐落葉多曰武  
陵相見日丘壑澹春煙曰寒江近晚潮清砧入秋響曰  
風葉送秋聲霜鴻披夜色曰狂風吹亂牕前雨遷客驚  
還夢裏家曰枕畔已酣蕉鹿夢塞上空飛風雨魂多不  
能成章成則於體裁音節意興多不能兼得今集中所  
載俱可考見不知大雅君子以為如何

蘇州李澍騰寫張溱李孫李福錢周雕造

寒村集卷第四終

寒村集

目錄

寒村集序

文章天地之精華也詩天地之音竅也  
文章以理爲主詩非理也天地自然之  
音竅也音竅者何調是已古調亡於唐  
唐調茂鬱鴻朗宮羽相變低昂舛節然  
猶可被金石備歌舞至宋而豈惟古調  
亡唐調亦亡唐調亡天下遂無詩矣何  
也蓋宋人認理好作理語認理以爲文



則是認理以爲詩則非文章燦然而成  
炳烈後人詩則吟咏歌舞突然而發山  
谷江湖之民亦皆能謠曲歌響故諸侯  
貢詩行人採風仲尼正衛季札觀魯皆  
出民間然則民在山谷江湖中亦能多  
讀書認道理談性命邪宋人之文多勦  
說性命而詩全不知調全不知音竅蓋  
以事理性氣組織爲詩而音節不響自

外至而以心爲之者也而不知哀者悽  
者怨者歎者變而爲風者刺者憂者懼  
者發而爲柔澹者沉着者雄渾者蘊藉  
者自內出而以情爲之者也譬諸鴻鴈  
之在天唳唳然秋矣雖雖然春矣感於  
春而春聲作感於秋而秋聲作宋人之  
詩唳唳自唳唳非感乎秋也雖雖自雖  
雖非感乎春也我

皇明興文立教弘治正德間關西得一人  
李獻吉中州得一人何仲默吳下得一  
人徐昌穀皆馳精文章昭合唐調其高  
者猶能振復古調標能擅美獨映當時  
矣數歲遊京邸每覽風騷而歎無嗣響  
空惜聲音而誰爲絕唱臨清謝榛茂秦  
輩三數人者艷發情變甚可攀援古人  
僕無緣以邊才補環慶自謂寂寥終無

性情雖有作亦是斲練閱月而成及僕  
陞山東副使兵備密雲道經石州張少  
司馬公家得觀固安蘇拊循公在遼海  
時所刊斯集始讀定羌驛諸作不信其  
爲今人也嘆曰古調亡於唐唐調亡於  
宋古唐調興於

明興古唐調盛於公矣公弱冠能詩文文  
皆類秦漢不作秀才語詩祖風騷宗漢

魏尤長於賦賦紀行等篇可等長揚上  
林諸作詩二卷文二卷巡撫奏議十八  
卷譯語畫跋恒言各一卷餘皆藏之篋  
中獨斯集得傳刻因得於少司馬家僕  
嘗知慶陽昔於公爲屬吏故贅數言於  
後 嘉靖丁巳秋奉

古西涼通處

勅整飭密雲等處兵備山東按察司副使  
鄉晚學生天津汪來謹序

汪來謹